

Nyuuth tēnē Joon

Wēt nom

Athör kēnē anyuth tēnē Joon cī gōt wäär guum kōc cī gam, rin cī kek la gam tēnē Jethu Krītho ke ye Bēny. Wētdit wic raan gāt athōōr, ee wēt būi kōc bī ye kueen riēel puōth bīk la nōth, bīk rēer ke nōth akōōl kāreç ke gum.

Abañdit athör kēnē yic atō kājuēc wat kekōōth kāk cī nyuōōth, ku kāk cī tīñ cī ke kiēt wēl yiic, kāk ye kōc thēer wäär cī gam ke deet yiic. Ku alēukē bīk rēer ke cī moony tēnē kōc kōk ēbēn. Athör kēnē acī guir ke cīt dhōl waak, yen aye ke wēl lueel ku ben ke ber yiic dhāl juāac cī thōñ, cīt tē cī ke wat kōōth thīn.

Na cōk alōn cī tāk ye rōm kek tēcīt tē ye ke deet yiic thīn athōōr yic. Ke wēt ciel yic ala gēi, dhēl Krītho Bānyda, yen Nhialic. Abī kōc aterde tiaam alanden akōl ciēēn agut Bēny jakreç. Akōl le tiām kēnē thāap, ke kōc cī gam aabī dōoc. Ku riōp ke piny ē yam, nhial ē yam.

Kāk tō thīn

Wēt Nom 1:1-8

Jōk ē nyuuth ku athör cī gāt akuut kōc kadhorou
1:9-3:22

Athōōr kek adōk kadhorou 4:1-8:1

Kēñ kadhorou 8:2-11:19

Jōñrac ku lāāi karou 12:1-13:18

Anyuth kōk juēc 14:1-15:8

Riāak puōu ē Nhialic 16:1-21

Riāñ Babilon ku tiām cī kōc ater Nhialic tiaam
17:1-20:10

Lunđit 20:11-15

Nhial ku piny ku Jeruthalem ë yam 21:1–22:5

Thök ë Wël 22:6-21

Wël tuen

¹ A athör kēnē yic Joon aci kāñ gät piny, kāk cī Jethu Krītho nyuöth. Acī Nhialic looi bī kākā tīñ, rin bī kacke cōl añic kāk bī röt looi nin thiökkā yiic. Raan cī lōc ku dōc acā atunyden nhial tuōc aluonyde bī lēk athōn kēnē. ² Joon aci kāk cī tīñ ebēn luēl. Yeen acā athōn bō tēnē Nhialic gät piny, ku kāk cī Jethu Krītho nyuöth ye.

³ Raan mit puōu ë raan bā athōn kēnē kuēn kōc cī gam, athōn bō tēnē Nhialic. Ku kōc mit puöth, aa kōc bī ye piñ ku thekkē kē ye lueel, rin tē bī Nhialic kākā cōl aloi röt aci thiök.

Muöth tēnē akuut kōc cī gam kadhorou

⁴ Ee ɣen Joon, ɣen agēt tēnē akuut kōc cī gam ë bēēi Athia yiic.

ɣen arōök lōn bī wek nhiēr ku dōör yök tēnē Nhialic. Yen tō thīn emēn, ku arēēr thīn tēthēɣon, ku yen bī bēn. Wek aabī nhiēr ku dōör yök tēnē wēi kadhorou ë thōny Nhialic nom, ⁵ ku tēnē Jethu Krītho, raan yen nyooth yic rin Nhialic. Yen ë ye raan tuen cī rot jōt ë thou yic, ee yen amac bānyñaknhīm ebēn pinyinhom aya.

Yeen anhiar ɣo, ku ajuerden cī yen rot juaar bī thou, ēcī yen ɣo wēēr bei adumuōmkua yiic, ⁶ ku looi ɣo buk aa kōc luui Nhialicde ku ye Wun, diik ku riēl aa kākke akōlriēc ebēn. Yenakan.

⁷ Tiēŋkē, yen abō pial yiic. Abi raan ebēn tīŋ, agut kōc wäär nāk ye. Kōc pinynhom ebēn aabi dhiau ē rienke. Kēya abi ciēt kēnē! Yenakan.

⁸ Aye Bēny Nhialic lueel ēlä, “Ee ɣen jōk ē cōk ku ɣen thōk ē kāŋ.” Nhialic Madhəl tō thīn emēn, ku arēēr tēthēɣəŋ, ku yen bī bēn.

Tīŋ Raan cī lōc ku dōc

⁹ Ee ɣen Joon mēnhkui dun, week ebēn wek kōc tuōc athōr kēnē, ke ɣa ye raan cī wēt Jethu gam cīmēndun. Ku rin ē kēnē ɣok aa tōk, ku ɣen agum aya cīmēndun. Ku ɣen abi rēer ē bāāny Nhialic yic kek we aya, ku ɣen alir puōu cīmēndun. ɣen a ɣa mac golgol Patmoth nhom, golgol rēer Adēkdiēt yic, rin cī ɣen wēt Nhialic, ku yiny Jethu nyuōth. ¹⁰ Wēi Nhialic aake cī bēn ɣaguōp akōl Nhialic. Guō rōldit la wic cīt kaŋ piŋ ke jam ɣakōu ciēen. ¹¹ Ku lueel, “Gāt kē ye tīŋ athōr yic ebēn, ku tuōc athōr tēnē akuut kōc cī gam ē bēi kadhorou yiic, Epethuth, Thimirna, Pergamum, Thiatira Thardīth, Piladelpia ku Lodikia.”

¹² Guō rot wel ba raan jam tīŋ, nawēn wel ɣanhom, ke ɣa tīŋ kāk ye many adōk took kenhūim cī looi mīlāŋ tōc kadhorou, ke kääc. ¹³ Ku kēcīt manh raan ke kääc keciēl yiic, ku a cien ɣalanh diit ye paat kōc kōōth ē piny kuaar ɣet yecōk, kek karkar diit cī looi mīlāŋ tōc yepēem. ¹⁴ Nhīmken ē nhom aake ɣer ka cīt gai tueny deŋ, ku adēp nyin cīmēn mac. ¹⁵ Ku cōk ala diardiar cīt ban cī coth kōu, ku akōk yic apei cīt lōr puōc kōoc. ¹⁶ Yen wēn

1:7 Dan 7:13; Mt 24:30; Mk 13:26; Lk 21:27; 1The 4:17; Dhāk 12:10; Jn 19:34, 37 **1:8** Ny 22:13; B.bei 3:14 **1:13** Dan 7:13; 10:5
1:14 Dan 7:9; 10:6 **1:15** Edhe 1:24; 43:2

amuk kuɛl kadhorou ciinden cuēc, ku amuk pal diiit moth ē thok kedhie bō bei yethok. Ku dēp nyin cīt ruɛl akōl ciɛl yic.

¹⁷ Wēn tiŋ ɣɛn ye, ke ɣa wiēɛk piny yecōk ciēt ɣa cī thou. Go ɣa thany nhom ciinden cuēc ku lueel, “Duk riśc. Ee ɣɛn jōk ē cōk ku ɣɛn thōk ē kǎŋ.

¹⁸ ɣɛn ē pīr, ɣɛn a ɣa cī thou ku emēn ɣɛn aci bɛn pīr akōlriēc ēbēn. ɣɛn amuk wēnh riēt ɣōōt ē thou ku ɣōōt pīr aya.

¹⁹ “Yīn adhil kǎkkǎ gōt ēbēn, kǎk ye tiŋ emēn ku kǎk bī rōt looi akōldǎ. ²⁰ Ku kuɛl kadhorou, ca tiŋ kōŋdiēn cuēc, wētden yic, atuuc nhial kadhorou, tēnē akuut kǎc cī gam kadhorou. Ku kǎk kǎac kǎk ye many adōk took kenhīim akuut kǎc cī gam kadhorou.”

2

Athōn tēnē kǎc cī gam Epethuth

¹ “Yīn awiēc ba athōr gāt akut kǎc cī gam gen Epethuth, raan muk kuɛl kadhorou ciinden cuēc ku cieth kam kǎŋ kadhorou ye many adōk took kenhīim, aye lueel tēnē we ēlǎ.

² Anjɛc yen tē cī wek pīir thīn ē piērdun yic. Anjɛc yen tēril cī wek luui thīn ke we kǎc cī gam, ku tē cī wek kārīl yiic gōōk thīn. Anjɛc lōn cīi wek ye bī lēu bǎk kǎc ē luui kǎrɛc puōl bīk ke ya looi welōm. Wek aaci kǎc ye lueel lōn ye kek atuuc Jethu them, ku acǎk bēn yōk lōn ye kek alueth ē path. ³ Anjɛc lōn guum wek riɛnkiē we lir puōth, ku wek kēc puōth bath. ⁴ Ku kē maan tēnē we akīn, wek aciī ɣɛn nhīar emēn cimēn thɛɛr wǎar

puɔc wek gam. ⁵ Kēya, muɔkkē wenhīim yen tē cāk dōöt luoi käreɔc yiic! Pälkē luoi käreɔc, ku piēerkē cīt tēthēer wäär puɔc wek wēt ca lēk we gam. Na lak tuen̄ ke we lui käreɔc, ke ɣen abī la tēnē we, ku la we tēm awuɔc bī ɣen kēdun ye wek many adök took yenhom nyaai tēden kēēc yen thīn. ⁶ Ku wek ya leec rin mēen wek kāk ye kɔc Nikolauth looi cimēn mēen ɣen ke aya.

⁷ “Na lakkē yīth, ke we piŋ kē ye Wēi Nhialic lēk akuut kɔc cī gam. ɣen abī kɔc cī jŋrac tiaam gām yic bīk mīth tim ē pīr cam, tim rēēr gör ē Nhialic yic!

Athön tēnē kɔc cī gam Thimirna

⁸ “Yīn awiēc ba athöör gāt tēnē akut kɔc cī gam gen Thimirna ēlä, kēnē ē wēt raan kārj cɔl ajök röt ku cɔl ke aa thök, raan cī thou ku ben pīr aya, aye lueel,

⁹ ɣen an̄ic kārīl rēēr wek thīn, an̄iɔc lɔn wek aa n̄ŋ ku wek ajiɛek wepuōth. ɣen an̄ic käreɔc ye luɛɛl wegup kɔc ye lueel ka kɔc cī Nhialic lɔc, ku ē lueth ē path. Ku keek aa kɔc akut jŋrac.

¹⁰ Duɔkkē riɔc gum bī wek gum emēn. Piɛŋkē! Jŋrac acī thiök kek tē bī yen kɔc kök kamkun mac rin bī yen gamdun them. Wek abī rēēr ater yic nīn kathiäär ku duɔkkē puōth go bath wēt diē yic cɔk alɔn nēk we, rin wek aaba gām pīr akölriēc ebēn ke ye yen ariöp.

¹¹ “Na lakkē yīth, ke we piŋ kē ye Wēi Nhialic lēk akuut kɔc cī gam. Ku raan bī jŋrac tiaam, acīn kēreɔc bī ye yök alanaɣɔn ē thon yic rou.

Athön tēnē kəc cī gam Pergamum

12 “Yīn awiēc bā athöör gät tēnē akut kəc cī gam gen Pergamum, kēnē athön bō tēnē raan muk pal cī ther thok kedhie.

13 Υεν anjic tē rēer wek thīn gen mεc jəŋrac. Wek aa kəc wētidiē ē cök, ku wek akēc puōth dhör gamdun yic tēnē γa. Wek akēc gamdun waar yic, agut wäär cək Antipāth raan ye nyuōth kək ye looi yiic lən ee yen raandiē nök gəndun ē tēēn, gen mεc jəŋrac. 14 Ku ala kāthii maan tēnē we, kəc kək weyiic aa piöoc Balaam buōth yic, Balaam wäär nyuth Balak tē bī yen kəc Itharel cəl aloi adumuōm thīn. Ku lēu bīk rīŋ cuet, rīŋ lən cī nək jak, ku loikē kək bal. 15 Ku kēlä aya, kəc kək weyiic aa piöoc kəc Nikolauth buōth yic. 16 Pälkē luoi käre! Na cək päl ke γen abī bēn kek ē pal bēn bei γathok bī γen kəckä tēm awuōc. 17 Na lakkē yīth, ke we piŋ kē ye Wēi Nhialic lək akuut kəc cī gam. Υen abī raan cī jəŋrac tiaam gām aban ayum nhial cī Nhialic tōōu, ku gām alēl γer, alēl cī rīn yam cīn raan njic ke gət yekōu, na cie raan cī gām ye.

Athön tēnē kəc cī gam Thiatira

18 “Yīn awiēc ba athöör gät akut kəc cī gam gen Thiatira elä, kəkä aa wēl bō tēnē Wēn Nhialic raan nyin dēp cīt mac, ku le cök diardiar cīt ban cī coth kōu.

19 Υεν anjic kək yakē ke looi. Anjic lən wek aanhiar röt kamkun, ku wek aa muk gamdun. Anjic yen tē cī wek röt kuony thīn kamkun, ku

tē guum wek thīn, aŋɪɛc lɔn wek aaloi kǎjuɛc wār kāk wäär tuenɟ. ²⁰ Ku ɣɛn ala kēthiin maan tēnē we, wek aaci tik puɔl tiŋ cɔl Jedhebel ye lueel ke raan kāk Nhialic tiŋ. Ku piɔɔcde ɛ kackiɛ thɛl luoi kāk bal yiic, ku camkē miēth cī juɛr jak cī kiɛt. ²¹ Aca lɛk bī yepuɔu dhuɔk ciēn adumuɔɔmke yiic, ku aci jai bī yepuɔu dhuɔk ciēn. ²² Ku kēya, aba cɔl atuany ku kɔc kāk bal looi kek ye aabi gum apei tē cīi kek kepuɔth dhuk ciēn, ku pǎlkē kǎɛɛc yekē ke looi kek ye. ²³ Kɔc cī piɔɔcde gam aa ba nɔk, ku aabi akuut kɔc cī gam ɛbēn jal ŋic lɔn ɣɛn ɛ raan ɛ kē tɔ raan puɔu ɛbēn ŋic, ku ŋiɛc kuat kē wīc. Ku kuat raan ɛbēn aba tēm awuɔc cīt kē cī looi.

²⁴ “Ku ɛmēn aba lɛk kɔc abɛk kamkun gen Thiatira, kɔc kɛc piɔɔc rɛɛɛ ɛ tiŋ buɔɔth yic, ku wek aakɛc luui kē ye kacke cɔl, ‘Aye kē cī thiaan apei cī jɔŋrac moony.’ Aya lɛk we lɔn wek aci bī mǎc dɛt ril yic. ²⁵ Wek aadhil la tuenɟ ke we gam wɛtdiɛ, ɣet tē bī ɣɛn bɛn. ²⁶ ɣɛn abi kɔc cī jɔŋrac tiaam, ku lek tuenɟ ke loi wɛtdiɛ ɣet tē bī ɣɛn dhuk gām riel bīk pinynhom mac. ²⁷ Aabi pinynhom mac riel ke cīn aŋuǎn, ku abīk thuɔr piny ku thorkē ke cimēn tōny cī looi ɛ tiɔp. ²⁸ Rielden abi thōŋ kek riel ca yōk tēnē Wā. Aaba gām ciēɛr aya, ciēɛr bī ke nyuɔth tiām cī kek tiam. ²⁹ Na lakkē yīth, ke we piŋ kē cī Wēi Nhialic lɛk akuut kɔc cī gam.

3

Athōn tēnē kɔc cī gam gen Thardith

2:20 1Bŋ 16:31; 2Bŋ 9:22, 30

2:23 Wk 7:9; Jer 17:10; Wk 62:12

2:27 Wk 2:8-9

¹ “Yin awiēc ba athöör gät tēnē akut kəc cī gam gen Thardith ēlä, raan mac wēi kadhorou thöny Nhialic nhom, ku amuk kuəl kadhorou, ee we tuóc wēt kēnē,

Yen anjic kuat kāk cāk looi ēbēn, anjic lən ye wek ye tak lən pīr wek cək alən cī wek thou.

² Aca yök lən piērdun ke we ye kəc cī gam aciī thöŋ kek tē cī Nhialic ye guieer thīn. Kēya, pääckē nin yic, ku dhuökkē riəl yam ē pīr kəc cī gam yic ke we kēc guə thou ē gīm. ³ Muökkē yith wäär cī piöc tēnē we nhīm, ku thekkē ke. Pälkē luoi käreç ku dhuökkē wepuöth ciēn adumuömkun yiic. Pääckē ba rot cī kuəl wegup ciēt ya ye cuär ē bēn baai waköu. Ku aciī bī njic ba bēn nen. ⁴ Ku na cək a kēya ke wek anjot we la kəc lik Thardith, kəc kēc luui käreç. Keek aabi cath kek ya ke cien alēth yer, rin aala yic bīk looi kēya. ⁵ Raan bī riəl jəŋrac tiaam cimēn ē kek abā alēth yer cien. Ku rienke acā bī nyaai athör pīr yic. Tē le yen kööc Wä nhom kek atuucken nhial ye luösi, aba lueel yenhom lən njic yen ē raan kēnē. ⁶ Na lakkē yith, ke we piŋ kē ye Wēi Nhialic lək akuut kəc cī gam.

Athön tēnē kəc cī gam gen Piladelpia

⁷ “Yin awiēc ba athöör gät tēnē akut kəc cī gam gen Piladelpia ēlä, raan la guöp Wēi Nhialic ku yic, yen la riəl bī kəc Nhialic mac nyin bēnyŋaknhom Debit. Ku tē ŋeeny yen yöt thok ka cīn raan lēu ye bī thiöök. Ku tē thiöök yen yöt thok ka cīn raan lēu ye bī ŋaany.

3:3 Mt 24:43-44; Lk 12:39-40; Ny 16:15 **3:5** B.bei 32:32-33; Wk 69:28; Ny 20:12; Mt 10:32; Lk 12:8 **3:7** Ith 22:22; Jop 12:14

⁸ Үен аңиc кāk yakē ke looi, аңиc лон le wek riel koor, ku wek aa ηot we buath piöcdië yic ku thekkē ya. Tiëηkē γöt aca ηaany thok wenhüim, ku acin raan lēu ye bī bēn thiöök thok. ⁹ Tiëηkē, үен abī kəc kek kəc jəηrac, alueth ye lueel lon ye kek kəc cī Nhialic ləc looi bik tō wecök, ku bik deet yic lon nhieer үен we. ¹⁰ Wek acī gum riel ē thok cīt tēwäär cī үен we lək thīn. Kēya, wek aba kony aya tē le nīn thök, nīn bī үен kəc pīr ēbēn them pinynhom. ¹¹ Үен abō ēmēn, muökkē kē cāk yök apath, bī ciēn raan rum kēpeth cāk yök rin cī wek tiam. ¹² Raan bī riel jəηrac göök aba looi ke ye thel ril γön ye Nhialic door thīn, Nhialic yen ya luööi. Raan kēnē acīi bī kaη jäl ē tēēn. Aba gāt kōu rin Nhialicdië ku rin Jeruthalem yam, yen rin gen ē Nhialicdië bī bēn bei tēnē Nhialic nhial. Aba gāt kōu aya rinkiēn yam.

¹³ “Na lakkē yīth, ke we piη kē ye Wēi Nhialic lək akuut kəc cī gam.

Athön tēnē kəc cī gam gen Lodikia

¹⁴ “Yīn awiēc ba athöör gāt tēnē akut kəc cī gam gen Lodikia elä, raan yen Yenakan. Yen cī yiny Nhialic nyuöth ē cök, ku ē yen acī kēriēc ēbēn cī Nhialic jəök cök cak, aye lueel elä,

¹⁵ Үен аңиc кāk cāk looi ēbēn, wek aa kēc үен jai, tēdē wek aa kēc үен lor piäthkun ēbēn, na we ye röt mat abak, diēt apath γapuöu. ¹⁶ Ku rin kēc piäthkun röt mat abak, үен abī jai ē we. ¹⁷ Yīin aye lueel, ‘Үен ајак! Acin kē ηəη ya, acin kē bēn wic.’ Ku acīi ηic yen tē ye yīn laaη aηääη thīn. Yīn

anāŋ ē cath ke cīn kē ceŋ, ku yīn ē cōar. ¹⁸ Rin ē kēnē, yīn alēk bī ya mīlāŋ tōc la wic yen γoc tēnē ya, bī yīn jīεek yōk thīn. Yīn adhīl alēth yer γoc aya ba ke tāāu yīkōu, ku bī kēwāār yīn cath yīkōu path ke cīn alanh cieŋ liu ba guōp cīī ben riōōc ē kōc, ku γoc kē ye kōc ken yīn tōc ba tāāu yīnyin rin bī yīn daai. ¹⁹ Kōc nhiaar aa ya māt ku tēm ke awuōc, kēya rēēr kē a path ku pāl kē luoi kāre c bāk puōth mīet. ²⁰ Pāl kē weyīth piny, γen ē γarōl tuŋ γōndun thok. Na le raan piŋ γarōl ku ηεeny γōt thok ke γen ala thīn, ku laar ku määth kek ye. ²¹ γen abī raan cī riel jōŋrac gōōk gām yic bī nyuc ē thōōc nom γalōōm. Kēnē abī ciēt ēmēn cī γen riel jōŋrac gōōk ku nyuōōc ē thōōc nom Wā lōōm. ²² “Na lakkē yīth, ke we piŋ kē ye Wēi Nhialic lēk akuut kōc cī gam.”

4

Thōny pan Nhialic

¹ Tēwēn cī γen kākkā ēbēn tiŋ, ke γa ben nyuōōth aya, ku tiēŋ γōt thok ke ŋaany pan Nhialic. Ku kē ca piŋ tueŋ ē raan jam tēnē ya rōdīt la wic cīt kaŋ ke ye lueel, “Bāār nhial tēn ku yīn aba cōl atīŋ kāk bī rōt looi ye kēnē cōk.” ² Nyin yic ē tēēn ke Wēi Nhialic la γaguōp. Ku tiēŋ thōōc ē tēēn pan Nhialic ku raan ke cī nyuc yenhom. ³ Raan cī nyuc ē thōōc adēp nyin bilbil cīt kuur yer dhēŋ, ku kēdīit cīt mīit ke cī thōōc gōōl piny, ke dēp birbir. ⁴ Ku alōŋthīn kēwēn cī thōōc gōōl piny yic, thōc kōk kathiārou ku ŋuan aake kāāc thīn, ku kōcdīt kathiārou ku ŋuan aake cī nyuc kenhīim. Ku keek aake cieŋ alēth yer

ku ajōm ē bāny kenhīim. ⁵ Thōōc abier ku mēēr nhial ciēt ye deŋ. Thōōc nom tueŋ mēc adōk kadhorou aake dēp thīn, kākā aake ye Wēi Nhialic kadhorou. ⁶ Aya, thōōc nom tueŋ, ala ke dīit cīt baar ē wār cī looi macar dēp la bilbil. Ku thōōc kōu tēn ku tēn, lāai kaŋuan la nyin juēc kenhīim ku kekōth aya aake tō thīn. ⁷ Lān tueŋ acit kōōr, ku lān ye kek rou acit muōr ē weŋ, ku lān ye kek diāk acit nom raan, ku lān ye kek ŋuan acit lienh tōŋ pār nhial. ⁸ Keek ēbēn ŋek ē la wuōk kadātem la nyin juēc keyiic ku kekōth ayeer. Aa waak ket akōl ku wēēr ēlā,

“Alεεc, alεεc, alεεc tēnē Bēny Nhialic Madhōl tō thīn ēmēn ku arēēr tēthεryōn, ku yen bī bēn.”

⁹ Lāai kaŋuan aa diēt ket tēnē raan cī nyuc thōōc nom, pīr akōlriēēc ēbēn. Aa ket waak leec kek ye lōn ril yen ku le diikdīt. Tē looi kek ye kēya, ¹⁰ kōcdīt kathiārou ku ŋuan aa kenhīal guōt piny raan cī nyuc ē thōōc nom cōk, ku dorkē raan pīr akōlriēēc ēbēn. Ku cuεtkē ajōmken piny ē thōōc nom, ku luelkē, ¹¹ “Yīn ala yic, buk yīn a door Bānyda Nhialic, ku gēmku yīn alεεc rin le yīn riēl ku diik. Rin yīn acī kēriēēc ēbēn cak, ku riēnku yen acī yīn kēriēēc ēbēn cak ku pīrkē.”

5

Athōōr ku Manh Amāāl

¹ Ku tiēŋ athōōr ke muk raan cī nyuc thōōc nom ciinden cuēc. Athōōr acī gōt yic ku yekōu aya, ku acī nuet thok thēny kadhorou. ² Ku tiēŋ atuny

4:5 B.bei 19:16; Ny 8:5; 11:19; 16:18; Edhe 1:13; Ny 1:4; Dhāk 4:2

4:7 Edhe 1:22, 5-10; 10:14 **4:8** Edhe 1:18; 10:12; Ith 6:2-3 **5:1** Edhe 2:9-10; Ith 29:11

Nhialic ril apēi, ke thiēc rōldit, “Yeŋa la yic bī thaany kuem athōor thok ku liep athōor yic?” ³ Ku acīn raan pan Nhialic, nadē ke ye pinynhom ku piiny tiop yic la riel bī athōor pet yic ku kueen. ⁴ Guo dhiau apēi rin cīn yen raan cī yōk ke la cōk bī looi kēya. ⁵ Go raan tōk kōcdit lēk ya, “Pāl dhiēu! Tiŋ kōor, raan kuat Juda wundit Debit wäär ē bēnyaknhom yen acī jōŋrac tiaam, kēya yen alēu ye bī theny kadhorou kuem ku pet athōor yic.”

⁶ Ku tiēŋ Manh Amääl ē thōn ke kääc ē thōny bēnyaknhom ciel yic. Yeen acī lääi pīr kaŋuan ku kōcdit gōm piny. Ku Manh Amääl aca tiŋ ke ciēt cī nōk. Ku ala tuŋ kadhorou ku nyīn kadhorou kek Wēi Nhialic kadhorou cī tuōc pinynhom ēbēn.

⁷ Go Manh Amääl la ku lōöm athōr tō ciin cuēc tēnē ye cī nyuc thōoc nhom. ⁸ Tēwēn cī yen ye lōöm, ke lääi pīr kaŋuan ku kōcdit kathiārou ku ŋuan, gut kenhīal piny yenhom, ku kōcdit aake muk thoom ku aduuk cī looi mīlōōŋ tōc cī thiāŋ adōŋ ŋīr, yen tō nyīn rōök kōc ē Nhialic luōōi. ⁹ Ku ketkē waak ē yam elä,

“Yīn ala yic ba athōor lōöm ku kuem theny yethok.

Rin cī kōc yī nōk ku riemdu yen acī yīn kōc pinynhom,

dhiēth ku wuōt ku thok ēbēn yōc bīk aa kōc ē Nhialic emēn.

¹⁰ Yīn acī keek cōl aaye kōc Nhialicda luōōi.

Ku aabī pinynhom mac.”

¹¹ Ku bēn daai, ku piēŋ rōl atuuc nhial juēc apēidit cīi kuen ke kääc ke cī thōoc gōm piny, ku

lääi pîr kaŋuan ku kəɔdît, ¹² aake kêt waak rôldît apei,

“Manh Amääl wäär cî nõk yen ala yic.

Adhil leec rin rielden tō kek yeen,

ku jiεek ku n̄iny k̄aŋ, ku diik, aa dhil athëekdît apei yök th̄in.”

¹³ Ku piεŋ kuat kē pîr ëbën tō pan Nhialic ku pinynhom, ku piiny tiɔp yic ku wër yiic ëbën ke kêt ëlä,

“Tënë yeen cî nyuc thöoc nhom ku tënë Manh Amääl,

bî alεεc ku athëek ku diik ku riel aa kärke akölrïëc ëbën!”

¹⁴ Ku gēm lääi pîr kaŋuan, “Yenakan.” Ku gut kəɔdît kenhiəl piny ku dorkë.

6

Theny

¹ Guɔ Manh Amääl tiŋ ke kuem thaany tuenŋ kam theny kadhorou, ku piεŋ län tōk kam lääi kaŋuan pîr ke lueel rôldît apei cit mär ë deŋ, “Bäär!” ² Ku tiεŋ piny, go ya mathiäŋ yer yen tiεŋ, ku raan cath ë ye amuk dhaŋ ke wiεth, ku gēm ajöm ë bëny bî tääu yenhom. Ku jiël bî la pinynhom, cit këny cî təŋ dhoŋ ku cop kəc ater.

³ Ku kuem Manh Amääl thaany ë rou thok, ku piεŋ län pîr ë rou ke jam rôldît ëlä, “Bäär!” ⁴ Ku bö mathiäŋ thith bei tēwën. Ku raan cath ë yeen acî gäm riel bî kəc cəl aathär pinynhom, ku bî kəc röt nõk ë röt. Ku gēm paldît ye kəc thör.

⁵ Ku ben Manh Amääl thaany ë diäk kuem, ku piēŋ röl ë diäk län pīr ke lueel, “Bäär!” Ku tiēŋ piny, go ya mathiän col yen tiēŋ ku raan cath ë ye amuk wēnh ye kän them yecin. ⁶ Guo kē cīt röl raan piŋ ke jam kam lääi kaŋuan pīr yiic ku lueel, “Aduŋ abik yen ariöp akäl tök, ku aduuk kadiäk ayiëer kek ariöp akäl tök. Ku duökkē tiim ye miök yök thīn ku tiim ye cam rεc.”

⁷ Ku ben Manh Amääl thaany ë ŋuan kuem thok, ku piēŋ röl län ë ŋuan pīr ku lueel, “Bäär!” ⁸ Ku tiēŋ mathiän cīn kīt la gēi, ku raan cath ë ye ala rin, “Thou,” Ku rin kök cöl, “Piny ë Thou,” Ke buoath cök ke cūi yiic mec. Keek aake cī gām riēl bik tēcīt aban ŋuan kōc pinynhom yiic nök ë tōŋ ku cök, ku tuaany, ku lääi roor.

⁹ Ku ben Manh Amääl thaany ë dhiēc kuem thok, ku tiēŋ wēi kōc wäär cī nök ariäk cök rin cī kek wēt Nhialic gam puōu ëbēn, ku yekē luεel. ¹⁰ Go wēi kiu röldīt apēi ku luelkē, “Bēny yīn ala cök ku yīn ë yic! Ye nēn bī yen rot jāl looi ba kōc pinynhom tēm awuōc rin cī kek ŋo nök?” ¹¹ Go ŋek kamken aa gām alanh yer, ku lēk ke bik tūt tēthin-nyōt yet tē bī akuēn kōc lui ke ke, ku miēthakēn kek ke bī nök ëbēn cīmēnden, jāl tuōōm.

¹² Ku tiēŋ Manh Amääl ke kuem thaany ë dātem thok. Ku ya ayiëkyiëk pinydīt tet yen loi rot, ku loi aköl rot bī cuol cīt alanh col, ku wel pēei yenyin bī ya malual cīt riem. ¹³ Ku löōny kuēl piny nhial cīmēn ŋam cī luok ye yom tēŋ piny tē yiëk yen tim. ¹⁴ Ku dol nhial rot ciēt ye athōōr ku mēr, ku nyēei

6:5 Dhäk 6:2, 6 **6:8** Edhe 14:21 **6:12** Ny 11:13; 16:18; Ith 13:10; Juel 2:10, 31; 3:15; Mt 24:29; Mk 13:24-25; Lk 21:25 **6:13** Ith 34:4

kuör ku golgol tō wüir röt ē nyiēnken yiic. ¹⁵ Go bānyṅaknhīim ē pinynhom, ku bāny mēc, ku bāny apuruuk ku ajiεek, kəc thiek yiic ku aloony, ku kəc cie aloony them bīk thiaan ē kuör yiic, tēdē ke ye kuör nhīim. ¹⁶ Ku yekē cōöt kuör yiic ku aleel yiic, ku luelkē, “Aa wek kuörkă kuōmkē ḡonhīim bī raan rēēr ē thōoc nhom ḡo cīi tīṅ. Ku Manh Amāäl aciī bī lēu bī ḡo bēn tēm awuōc. ¹⁷ Ee yic aköldīt bī Nhialic ku Manh Amāäl raan ēbēn tēm awuōc aci bēn, ku acīn raan bī awuōc kēnē ḡōök?”

7

Kəc 144,000 Itharel

¹ Ku bēn atuuc nhial kaṅuan tīṅ ke kăac ḡuōk ē piny kaṅuan yiic, ke ke jāc yom ē bēn ḡuōk kaṅuan yiic nhom, bī cīēn yom ben buok ē pinynhom, tēdē wēr yiic, tēdē kuat tim nhom. ² Ku tiēṅ atuny dēt ke bō bei tē ye akōl nyin bēn thīn, ke muk thaany Nhialic pīr, ku cōl atuny kēnē rōldīt atuuc nhial kaṅuan wăär cī ḡām riēl bīk pinynhom agut cī wēr. ³ Ku lueel, “Duōkkē piny ku wēr ku tiim rēc, ḡet tē bī ḡok kəc cī Nhialic gam ēbēn yiēk nhīim kīt kenhīim tuēṅ.” ⁴ Ku lēk raandă ḡēn, lōn akuēn kəc la nhīim thaany ē Nhialic kəc Itharel yiic aa kəc 144,000 ē kuat thiāär ku rou Itharel yiic, ⁵⁻⁸ tim thiāär ku rou kuat Itharel tōk yic, Juda, Ruben, Gat, Acer, Naptali, Manathe, Thimaan, Lebī, Ithakar, Dhebulun, Jothep, ku Benjamin.

Kəc juēc kăac pan Nhialic

6:14 Ny 16:20 **6:15** Ith 2:19, 21 **6:16** ḡoth 10:8; Lk 23:30
6:17 Juel 2:11; Mal 3:2 **7:1** Jer 49:36; Dan 7:2; Dhăk 6:5 **7:3**
 Edhe 9:4, 6

⁹ Ku diēl ɣanyin piny, ke ɣa tiŋ kɔc juēc cī lēu bī ke kuen. Keek akuut kam kuat dhiēth, ku wuōt, ku thok kɔc rēēr pinynhom ēbēn. Ku keek aake kääc ē thöoc nomh tuenŋ ku jol a Manh Amääl, ku aake cienŋ alēth ɣer ku keek ēbēn aake muk wuōk agēp kecin. ¹⁰ Ku kiiukē röldīt apēi ku luelkē, “Nhialicdan rēēr thöoc nomh ku Manh Amääl kek aa ɣook luōk.”

¹¹ Ku atuuc ēbēn aake kääc ke cī thöoc, ku kɔcdīt, ku jol aa lääi pīr kaŋuan gööm, ku gutkē kenhiol piny ē thöoc nomh tuenŋ ku dorkē Nhialic, ¹² ku luelkē, “Yenakan! Bī alεεc, ku diik, ku ŋiny kāŋ ku gam riēl, ku athēk, ku riēldīt apēi ku lεc aa kāk Nhialicda akölriēc ēbēn. Yenakan.”

¹³ Go raan tōk kam kɔcdīt wēn ɣa thiēc ku lueel, “Ye yīŋa kɔc cienŋ alēth ɣerkä, ku bik tēnen?”

¹⁴ Guō dhuk nomh, “Aa kuōc ke, bēny. Ee yīn aŋic ke.” Go lueel, “Kekkä aa kɔc cī tēk käril yiic ku guumkē. Aacä alāthken lōk riem Manh Amääl bī ke looi bik ɣer. ¹⁵ Ku ē yen aye kek kōc thōny Nhialic nomh ku yekē luōi aköl ku wēer luanŋde, ku yen cī nyuc ē thöoc nomh abī ke aa kony ē rēerde thīn. ¹⁶ Keek aacī rou ku cök bī ben nōk acīn, tēdē ke ɣa aköl tuc yen ben ke nyop gup, ¹⁷ rin Manh Amääl yen rēēr thöoc yic ciēl abī ɣa abiōŋden. Ku abī ke la dēk nyīn pīu ē pīr, ku aabī Nhialic weec nyīn ē pīu wäär dhiεεu kek.”

8

Thaany ē dhorou

7:14 Dan 12:1; Mt 24:21; Mk 13:19 **7:16** Ith 49:10 **7:17** Wk 23:1; Edhe 34:23; Wk 23:2; Ith 49:10; 25:8

¹ Nawēn ŋany Manh Amääl thaany ë dhorou thok, kam wēn ke piny la bit tēthin-nyəət koor. ² Ku tiēŋ atuuc kadhorou ke kääc Nhialic nhom ku ŋek ke cī yiək kaŋ.

³ Ku bö atuny dēt, ku kēec ariäk lööm ke muk kē ye adöŋ ŋir took thīn cī looi milāŋ tōc. Ku yeen ēcī gām adök juēc ŋir apei, bi ke juaar kek rōök kəc ē Nhialic ariäk cī looi milāŋ tōc nhom, rēer ē thōoc lööm. ⁴ Ku la tol adöŋ ŋir cī took nhial, kek rōök kəc ē Nhialic muk atuny nhial kääc Nhialic nhom. ⁵ Go atuny kē ye adök took thīn lööm, ku muəc yic many rēer ariäk nhom ku cuet piny. Ku piŋ kē cīt mār ē deŋ ku bir, ku loi ayiēkyiēk rot.

Keŋ

⁶ Go atuuc kadhorou la keŋ kadhorou röt guir bik ke kooth. ⁷ Go atuny tuēŋ kaŋde kooth yic, go ya gəi ku many cī liäap kek riem kek lööŋy pinynhom. Go mac tööŋ ē diäk tiim ku wal cī cil pinynhom nyop.

⁸ Go atuny ē rou kaŋde kooth yic, go ya kēdiit cīt kuur ē mac yen piir rot adəkdiēet yic. Go tööŋ ē diäk rot waar bi ya riem. ⁹ Go tööŋ ē diäk kək piir adəkdiēet thou, ku rəc tööŋ ē diäk riēth.

¹⁰ Ku koth atuny ē diäk kaŋde. Go ya kueldit apei dēp yen lööŋy tööŋ ē diäk wēr ku nyin piu ye dek yiic. ¹¹ Ku rin ē kuel kēnē acəl kēkec γər. Go piu röt wel bik kəc, ku kəc juēc ke cī dek thīn aaci bēn thou rin cī piu kəc.

8:3 Amo 9:1; B.bei 30:1, 3 **8:5** Leb 16:12; Edhe 10:2; B.bei 19:16; Ny 11:19; 16:18 **8:7** B.bei 9:23-25; Edhe 38:22 **8:10** Ith 14:12
8:11 Jer 9:15

12 Go atuny ē ŋuan kaŋde kooth. Go tööŋ ē diäk aköl ku pæi ku kuəl rac abī tööŋ ē diäk ruelden yic liu. Ku cīn ruəl tööŋ ē diäk aköl ku wēēr.

13 Ku jal jat ɣanyin, ke ye acu yen tiēŋ ke pār nhial, ku piēŋ ke cōt röldīt apei ku lueel, “Ye kēreεc ē dā! Ye kēreεc ē dā tēnē kōc ē pinynhom rin aabī käreεc yök, tē le atuuc kōk kadiäk keŋ kooth yiic.”

9

1 Ku koth atuny ē dhiēc kaŋde. Guə kuəl cī lööny ē pinynhom tiŋ, ku yeen aci gām wēnh ē riēt bī yen tēthuth mec yic apei ŋaany nhom. 2 Go tēthuth mec yic apei ŋaany nhom. Go toldīt apei bēn bei tēthuth, tol cīt tol manydīt dēp apei, ku pat tol aköl nyin ku nhial ku looi piny bī cuəl. 3 Ku ye koryəm yen bō bei tol yic bī la pinynhom, ku gēm riel cīt riel ē kith. 4 Go lēk ke bīk wal kek tiim ku kākōk cil pinynhom cīi rεc, ku ye kōc cīn gup kīn Nhialic kenhūim tuēŋ kepēc kek rεckē ke. 5 Keek aake cī Nhialic puəl bīk kōc aa yiēk tērem apei tēn pēi kadhiēc ku cīk kōc nāk. Ku arεem yekē yiēk kōc acīt arem dhie cī kieth raan moc. 6 Ye pēikā kadhiēc yiic abīk wīc bīk thou, ku thuəu abī mec ke ke.

7 Koryəm juēckā aake cīt mīthiōŋ cī guiir bīk la tōŋ yic. Ku aake ceŋ kacīt ajōm cī looi mīlāŋ tōc kenhūim, ku aake cīt nyin kōc. 8 Ku nhīm tō kenhūim aa bār cīmēn nhīm ē diäär, ku aala thook lec cīt lec ē kōör. 9 Ku aala pem kē cīt wēnh dhie ye kōc kepuōth gēēŋ tōŋ yic. Ku duəot ye wuōkken looi tē pēēr kek, acīt duəot riēth dhie ye mīthiōŋ juēc thel looi, tē le

8:12 Ith 13:10; Edhe 32:7; Juel 2:10, 31; 3:15 **9:2** Cäk 19:28

9:3 B.bei 10:12-15 **9:4** Edhe 9:4 **9:6** Jop 3:21; Jer 8:3 **9:7**

Juel 2:4 **9:8** Juel 1:6

kek təŋ yic. ¹⁰ Ku yälken aa cīt yäl ē kith, ku kē cīt kek yäl kakkä yen ale kek riēl bik kəc ya gām tē rem ye pēikā kadhiēc yiic. ¹¹ Ku keek aala bēnyŋaknhom mac ke, yen atuny tēthuth mec yic, ku riēnke ačəl riääk, tēdē ka cəl raan ē kəŋ rac.

¹² Kērēec tuēŋ acī thök. Ku ye cök ciēēn kārēc kök karou thiek apei aabö.

¹³ Ku koth atuny ē dātem kaŋde, guə röl piŋ ke bö kam guök kaŋuan yiic ariäk cī looi mīlāŋ tōc kääc ē Nhialic nhom. ¹⁴ Ku lueel röl tēnē atuny ē dātem wēn muk kaŋ yecin ēlä, “Lony atuuc kaŋuan wäär cī duööt piny wārdīt Yuparet yic.” ¹⁵ Go atuny ē dātem atuuckä kaŋuan jal lony bik tōöŋ ē diäk ē kəc pinynhom nök. Aake cī Nhialic tāu aköldeen alanden. ¹⁶ Go lēk ŋen lən apuruuk aa timtim buət karou. ¹⁷ Ku tiēŋ mīthiöŋ ku kəc cath ē ke nyuöth yic. Ku kockä aala pem kēcīt wēnh dhie ye kəc kepuöth gēēŋ təŋ yic, ku wēthkä aa thith cimēn mac, ku aa mīŋök ku mīkēth aya. Ku nhüim mīthiöŋ aa thöŋ ke nhüim kər. Ku mac ku tol ku kēdēt mac cəl adēp ē bēn bei kethook. ¹⁸ Kakkä kadiäk, tol, ku mac ku ban mac cəl adēp bēn bei mīthiöŋ thook, acī tōöŋ ē diäk kəc pinynhom bēn nök. ¹⁹ Rin riēl mīthiöŋ atō kethook ku keyäl aya, rin yälken aake cīt kapiēny kenhüim ye kek kəc gām yōntöök.

²⁰ Abēk kəc ē pinynhom kēc kajuēc rēc kəc nökkä ke nök, aake kēc luoi kārēc puöl acin, luoi ye kek jakrēc door, jak cī kiēt ē wēth ku aleel ku tiim cie daai, ku cik ye piŋ ku cik ye cath. ²¹ Kockä aakēc

luoi kāreεc puōl, cīt nāāk ē rōt, luoi kāk jakreεc, ku luoi ē bal, wīny diäär ku cuëer.

10

Atuuc ē Nhialic ku athör koor

¹ Ku bēn atuny dēt ril apei tīj ke bö bei pan Nhialic ke bö ē pinynhom. Ee cī luät kum ku miit yenhom nhial, ku adēp nyin cīmēn akōl, ku dierke kecīt liem ē mac. ² Atuny kēnē amuk athör thiin koor ṅaany yic yecin, ku cökden cuēc ēcī tāäu adēkdiεet nhom, ku cökden ē cam pinynhom, ³ ku cōöt röldīt cīt dhiēn kōör. Nawēn cī cōöt ke kēcīt mār ē deṅ gam yerōl arak dhorou nhial. ⁴ Wēn jiεem kacīt mār deṅ kadhorou, ku wēn duēr kāk cīk lueel gāt piny, ke ya piṅ rōl pan Nhialic ke lueel, “Duk kāk cī kacīt mār deṅ kadhorou lueel lēk kōc kōk, ku duk ke gēt piny.”

⁵ Go atuny wäär ca tīj ke kääc adēkdiεet nhom ku pinynhom ayeer, ciinden cuēc jat nhial. ⁶ Ku kuēēṅ rin Nhialic cie thou, ku yen cī nhial ku piny ku wēr, ku kāk tō keyiic ēbēn cak ku lueel, “Nhialic aciī bī tiit apei ēmēn, bī kē cī guiir cīi loi tēcīt tē bī yen rot luōi thin! ⁷ Ku tē le atuny ē dhorou kanḁe kooth, ke Nhialic abī kēden cī thiaan thääp cīmēn wäär cī yen ye lēk aluōnyke, kōc kākke tīj.”

⁸ Go rōl wēn ca piṅ ke jam nhial ṅen yōök, “Lōor lōm athör koor ṅaany yic muk atuny kääc adēkdiεet nhom ku pinynhom ayeer.”

⁹ Guō la tēnē atuny nhial ku thiēec bā gām athōör. Go gām ṅen ku lueel, “Lōm ku cam. Abī miēt yīthok ciēt ye kiēc ku abī rot la wel bī wac yiyāc.” ¹⁰ Guō

athöör lööm ku cam, go miət Ƴathok ciət ye kiēc. Nawēn Ƴet Ƴayāc ke wel rot bi wac bi ciət cuεεi. ¹¹ Ku lēk Ƴa ēlä, “Ƴin adhil kē cī Nhialic guiir tēnē kōc ē pinynhom ēbēn nyuōōth ēmēn, kōc jam ē thok juāac ku bānyŋaknhīim.”

11

Kōc wēt Nhialic lēk kōc

¹ Go Ƴen gām wai, wai ē duēr ciət tim dhie ye kāŋ them, ku lēk Ƴa, “Lōor them luanŋ Nhialic ku ariāk tō thīn, ku kuen kōc ē rōök thīn tēnē Ƴa. ² Ku duk kal Ƴic tō luak kōu them rin lōŋ kēnē acī gām kōc kēc wētđiē gam. Ku keek aabi gēndiē kuany kōu ke rēc kāŋ pēi kathiārŋuan ku rou. ³ Ku Ƴen abi kackiē karou tuōc bik wēt ē Ƴic la lueel. Aabā alēth col, alēth ē lēŋ cien, ku aabi wētđiē la lēk kōc ē nīn tim ku buōt karou ku thiārdātem Ƴiic.”

⁴ Kōckā karou wēt Nhialic nyuōōth, kek aa tiim karou ye miēthken looi ē miök, ku kāk ye mēc adök karou took kenhīim ē kōōc Nhialic nhom bēny pinynhom. ⁵ Na le raan them ye bi kōckā karou Ƴiēk tērem, ke mac abō bei kethook ku nyuōp kōc ater ēbēn. Kēya raan wic ye bi looi kēya abi Nhialic nōk. ⁶ Aaci Nhialic gām riel bi kek deŋ pēen bi cīi tueny nīn bi kek wētde nyuōōth. Aaci gām riel aya bi kek piu waar bik aa riem, ku cōlkē kuat kērac ēbēn abō pinynhom. Kēnē alēukē bik aa looi akōlakōl tēcīt tē wickē ye.

⁷ Nawēn cī kōckā karou wēt jal nyuōōth ēbēn, ke lān roor rac apei bō bei tēthuth mec Ƴic, aabi thōr

ke ke ku aabī lān ke nōk, ⁸ ku guāpken aabī cuat ē gēk yic gendit wāār cī kek bēny ē kōckā karou piāāt thīn tim cī rīiu kōu. Gen kēnē acik gām rin cīt rin pan Thodom ku Ijip. ⁹ Kuat dhiēth, wušt ku thok pinynhom ēbēn aabī guāpken aa tiŋ piiny ē gēk yic nīn kadiāk ku abak, ku acīn raan bī puāl bī ke thiōk. ¹⁰ Kōc pinynhom ēbēn aabī puōth miēt rin cī ē kōckā karou thou. Aabī yai looi ku gēmke rōt kāpath kamken, rin cī kōckā karou kōc pinynhom cōl agum apēi. ¹¹ Tēwēn cī nīn kadiāk ku abak thōk, ke Wēi Nhialic la ē kōc wēn cī thou gup ku jōtkē rōt. Go kōc ŋic ke cī ke tiŋ riōōc apēi dīt. ¹² Ku piŋ kōckā karou rōl ke cōt pan Nhialic, “Bāk tēn.” Gokē la nhial ke kōc aterken daai, ke ke cath ē piōōl yic. ¹³ Kaam wēn cōk ka ayiēēkyiēēk dīt tet loi rot. Go tōōŋ ē thiāār ē geu wīik, ku thou raan tiim kadhorou. Ku jōl kōc cī pīr riōōc ku leckē dīt Nhialic tō nhial.

¹⁴ Kēnē, yen ē thōk kēreec ye kek rou, kēreec dēt ye kek diāk abō ēmēn!

Kaŋ ē Dhorou

¹⁵ Go atuny ē dhorou kaŋde kooth yic, guō atuuc nhial piŋ rōt ke jam rōldīt pan Nhialic ku luelkē, “Nhialicda ku Raan cī dōōc ku lōc aaci bāāny pinynhom ya kēden, ku Nhialic abī mac akōlriēēc ēbēn.”

¹⁶ Go kōcdīt kathiārou ku ŋuan cī nyuc ē thōny Nhialic lōōm wīik ke gut kenhiōl piny, ku dorkē Nhialic, ¹⁷ ku luelkē,

11:7 Dan 7:7, 21; Ny 13:5-7; 17:8 **11:8** Ith 1:9-10 **11:11** Edhe 37:10 **11:12** 2Bŋ 2:11 **11:13** Ny 6:12; 16:18 **11:15** B.bei 15:18; Dan 2:44; 7:14, 27

“Bēny Nhialic Madhəl yen rēēr thīn thēer ku yen tō
thīn ēmēn.

Yīn yeku leec rin cī yīn rieldu nyuōth ɣook ku yīn
acī māācdu jəək cök!

¹⁸ Ku kəc kuc yīn aake cī puōth riāāk rin tēn riāŋ ē
piāndu

acī bēn tē bī kəc cī thou ɣāth luk yic,

ku tē bī kəc ariōpden yök yīn luōōi,

ku kəc kāk Nhialic tiŋ, ku kacku ēbēn kəc yī door,

kəckor ku kəcdit ēbēn aacī bēn.

Tē bī kəc cī pinynhom rac nök acī bēn.”

¹⁹ Go luanj Nhialic nhial ŋaany thok, ku rōŋdīt
lōŋ ē dōōr ē tō alŋthīn. Go kāk cīt bir ē deŋ ku
ayīēkyīēk, ku mār ē deŋ ku tueny ē ɣei, röt looi.

12

Tik ku kēdīt cīt jakanuaan

¹ Ku loi kēdīt kəc ɣōi rot nhial. Tik ē tō thīn ke cī
aköl ɣōōm piny ku pēi yecök, ku cienj ajōm la kōu
kuəl kathiāār ku rou. ² Yeen ē tiŋ liac, nawēn cī
thišk ke dhiēth, ke rōp ku rem abī dhiau apēi.

³ Ku ben dēt bēn bei nhial kēdīt kəc ɣōi, ku kēdīt
thith cīt jakanuaan la nhīim kadhorou ku tuŋ
kathiāār ku ajōm kadhorou kenhīim. ⁴ Ku thēl tōōŋ
ē diāk kuəl bei nhial yeyōl ku piir ke pinynhom, ku
bīi ku kēc tiŋ wēn dhiēth nom bī manh dhiēth tiit
bī dhiēth bī cam. ⁵ Go tik manh ē moc dhiēth,
yen bī kəc pinynhom mac ke cīn aŋuān. Go atuny
nhial bēn ku rum meth man cin ku ɣēth nhial tēnē
Nhialic thōnyde nom. ⁶ Go tik riŋ roor tē cīi ceŋ,

tē cī Nhialic guiir tēnē ye bī yen la rēer thīn, bī la muk ē nīn tim ku buot karou ku thiārdātem.

⁷ Go təŋ rot looi pan Nhialic. Atuny cəl Maikel ku atuuc kək aaci bēn thōr kek kēdiit wēn cīt jakanuaan ku atuōōcke. ⁸ Ku kēdiit kēnē aci bēn tiaam, ku aci bēn cuəp wei pan Nhialic. ⁹ Maikel kek atuōōcke aaci kēdiit kēnē kek atuōōcke bēn cuəp wei pan Nhialic. Kēnē yen ē Bēny jakrɛc diit wāār ye lueel ka cəl kēpiiny, yen raan ēbēn cəl aloi awuōc. Acik bēn cuat pinynhom kek atuōōcke ēbēn.

¹⁰ Ku piɛŋ rōldit ke cōt pan Nhialic ku lueel,

“Ēmēn, tē bī Nhialic kəc luōk aci bēn! Ēmēn, Nhialic aci riɛlden yen bēnyŋaknhom nyuōth! Ēmēn, Raanden cī ləc ku dəc aci riɛlde nyuōth! Rin raan wāār ē kōc Nhialic nhom ku gəony miəthakua akōl ku wēer, aci cuəp wei pan Nhialic. ¹¹ Miəthakua aaci jəŋrac tiaam rin cī Manh Amāäl rot juaar bī nōk riɛnkua ku rin cī kek wēt yic lək raan ēbēn, ku keek aa kēc wēiken nhiaar bik riōc ē thou. ¹² Week ēbēn, wek kəc rēer pan ē Nhialic miətkē puōth, ku kuat kē rēer ē pinynhom ku wār abī gum apēi dit. Rin jəŋrac aci cuəp ē pinynhom tēnē ke, ku yen acit puōu mac rin acin nīn juēc cī pāl ye bī yen luui.”

¹³ Nawēn le kēdiit cīt jakanuaan ŋic lən cī ye cuat pinynhom, ke cop tinj wēn cī manh moc dhiēeth bī dəm. ¹⁴ Go tik gām wuōk cīt wuōk acu ku bī cəl apēer tēden wāār roor tē cīi cien. Ku bī yen la tūt thīn run kadiäk ku abak, ku akēc jəŋrac bēn lēu bī yiək tētök. ¹⁵ Ku ŋək kēpiiny piēu dit cīt aboor yethok rin bī tik

mou. ¹⁶ Go tiəm pinynhom tik kony, rin cī yaardīt apēi piny dai yic, ku wēt pīu thīn ɣərɣər. ¹⁷ Go kēdīit cīt jakanuaan pušu riääk tēnē tik apēi ku le thör kek mīthken kōk cī lööŋ Nhialic theek, ku mukkē wēt yic cī Jethu nyuəəth. ¹⁸ Ku la jəŋrac kōc ē wār nhom.

13

Lääi karou

¹ Ku tiēŋ län roor rac apēi ke bö bei adēkdiēt yic. Ku ala nhīim kadhrou ku tuŋ thiäär la nhīim ajəm kathiäär. Ku kenhīim ēbēn rin aaci gōt rin ē Nhialic təən guəp. ² Län wēn ca tīŋ acīt kuac, ku adīt cök kek riööp bēər la kōth nhīm, ku acīt thok köör. Acī kēdīit cīt jakanuaan gām rielde bī nyuc ē thöoc nhom cīt bēnyŋaknhom la ye cök. ³ Nhuəm tōk, nhīim ē län kēnē ala yic piäär cīt piäär tētök dīt apēi ku jəl dem. Kəc ē pinynhom ēbēn aake cī gāi ē län kēnē ku buəthkē. ⁴ Keek ēbēn aake ye jəŋrac door rin cī yen lēi gām riəl, keek aya aake ye lēi door, ku luelkē, “Acin kēril cīt ē län kēnē. Acin raan lēu bī thör kek ye.”

⁵ Go lēi puəl bī jal nhiam apēi, ku ye Nhialic lat. Go Nhialic päl riəl kēnē tēnē pēi kathiärŋuan ku rou. ⁶ Ku jəl lēi jam ku lēət Nhialic kek kəcken rēər nhial paande. ⁷ Acī Nhialic puəl bī thör kek kəc Nhialic ku tiēm ke. Ku ēcī gām riəl kəc pinynhom nhīim ēbēn. ⁸ Kuat raan rēər pinynhom ēbēn abī ye adoor, kəc cīi ye bī ya door aa kəc cī rienken gōt

13:1 Dan 7:3; Ny 17:3, 7-12
25; 11:36

13:2 Dan 7:4-6

13:6 Dan 7:8,

13:7 Dan 7:21

athör pīr yic, ke piny kēc guo cak. Athör kēnē ē kēn Manh Amääl wäär cī nōk.

⁹ Na lakkē yīth, ke we pīj apath, ¹⁰ “Kuat kē cī Nhialic guiir bī rot luōi yī abī rot dhiel looi kēya. Raan bī mac, raan bī teem rōl ē pal abī teem rōl. Wēt kēnē ē lōn bī kōc cī gam dhiel gum ku rilke puōth gamden yic.”

¹¹ Ku tiēj lān dēt ke bō bei piiny, ke la tuŋ karou cīt tuŋ jōŋrac. ¹² Yeen alui riēl cīt riēl lān tuēj ke ŋic lān tuēj, ku thēny kōc ē pinynhom thīn bīk lān tuēj aa door, lān wäär cī tētōk dēm yenhom. ¹³ Ku looi kākdit jāŋ gōi. Ee ye mac cōl alōōny piny nhial ke kōc ēbēn daai ē ye. ¹⁴ Lān ciēēn kēnē aci puōl bī kākdit jāŋ gōi aa looi ke lān tuēj daai thīn. Rin ē kākka yen aci yen kōc pinynhom wēŋ bīk la yecōk. Aaci bēn yōōk bīk kēdāŋ buth bī kek lān tuēj kiēt ku yekē door, lān wäär cī nōk ē pal ku ben pīr. ¹⁵ Lān ciēēn kēnē aci puōl bī wēi yāth kēwēn cī lān tuēj kiēt yic, rin bī ya jam ku cōl kōc cīi ye ye door anak. ¹⁶ Ku yōōk lān ciēēn kōc ēbēn, bēny ku kīc, ajak ku raan ŋōŋ, alony ku raan lāū nom, bī raan ēbēn kīt tāū kōŋden cuēc, tēdē ke tēū yenhom tuēj. ¹⁷ Acīn raan cī puōl bī kēde yaac, tēdē ke yōc ke cīn nom kīt kek rin, tēdē ke ye akuēn riēnke nyuōth.

¹⁸ Yin adhīl kāŋ ŋic apath ba kēnē jāl deet yic. Raan la kē ŋic adhīl kēnē dōt yic, bī akuēn ē lān ŋic, rin akuēn akāac nyin rin ē raan, akuēn ē buot kadātem ku thiārdātem ku dātem.

14

Manh Amääl ku kacke

¹ Ku jəl lä diəl ya nyin piny, ke ye Manh Amääl yen tiēŋ ke kääc gət nom Jeruthalem, kek kacke tim buəət ku thiärŋuan ku ŋuan cī rin Manh Amääl ku rin Wun gət kenhīm tuenŋ. ² Ku piēŋ röl nhial kecīt arööl ē pīu kat apēi. Aye piŋ kecīt mār den thiek apēi, tēdē ke ye thoom juēc gut. ³ Ku kääc kəc tim buəət thiärŋuan ku ŋuan ē thöoc nom tuenŋ, ke ket waak yam lääi pīr kaŋuan ku kəcđit nhīm. Waakkä acīn raan lēu bī ke ket, aa keek kek kəc cī Nhialic luök ē röt. ⁴ Keek aa kəc cī röt tiit cje wic ē diäär. Keek aa kəc la cök. Ee Manh Amääl yen aye kē buəəth cök kuat tē le yen thīn. Kəcä kek aacī luök kam kəc ēbēn, aa kəc ē Nhialic ku Manh Amääl, aa cit rap ē yam dhie ye juēr Nhialic. ⁵ Ku keek aa kēc lueth kaŋ lueel. Ku acīn kērεεc cīk kaŋ looi.

Atuuc nhial kadiäk

⁶ Ku tiēŋ atuny dēt ke pār aliir yic nhial ke muk athör Wēt Puəth Yam, wēt pīr akölriēc ēbēn tēnē kuat dhiēth ku wuət ku thok pinynhom ēbēn. ⁷ Ku lueel röldīt, “Thekkē Nhialic ku ləckē rin dīit yen apēi. Rin nīn aacī thök, nīn bī yen kəc ē pinynhom yāth ē luk yic. Duərkē rin yen aa cak nhial ku piny ku wērdīt ku nyīn ē pīu.”

⁸ Ku buəəth atuny rou atuny tuenŋ cök, ke ye lueel ē röldīt, “Gendīt Babilon acī rac ēbēn. Babilon ē ye kəc pinynhom cəl adek muəŋ kec apēi, muəŋ ke cəl aloi kāk ē bal cī Nhialic bēn rac puəu.”

⁹ Ku buəəth atuny ē diäk atuuc tuenŋ wēn karou cök, ke ye lueel röldīt, “Raan lān kēnē door kek

kēden cī kiēēt, raan la kīn ē lān kēnē yenhom tuen, tēdē ke ye yecin. ¹⁰ Abī muōn riāṅ puōu ē Nhialic dhiel dek, muōn kēnē ē kē cī Nhialic puōk ē bīny riāṅ piānde yic. Kōckā aabī dēp many bēn bei kuur yic tuc apēi, ka atuuc nhial ku Manh Amāal daai thīn. ¹¹ Many bī ke nyop kēnē abī ke reem akōlriēēc ēbēn. Kōc ē lēi ku kēden cī kiēēt ku kuat raan la kīn ē rienke, acīi bī kaṅ lōṅ acīn akōl ku wēēt.”

¹² Kēnē wētde yic ē lōn bī kōc ē Nhialic kepuōth dēt, kōc lōōṅ ē Nhialic theek ku lek gam tēnē Jethu.

¹³ Ku piēṅ rōl nhial ke cōt ku lueel, “Dhil gōt, kōc mit gup aa kōc thou ēmēn rin cī kek wēt Bēny gam.” Ku lueel Wēi Nhialic, “Ee yic Alanden! Keek acīi bī bēn gum athēer. Kāk cik looi aabī cath ke ke.”

Tēmtēm pinynhom

¹⁴ Ku lā daai nhial, ke ye luāat yer yen tiēṅ ku kēcīt Manh raan ke cī nyuc ē piōōl nhom, ku ala nhom ajōm cī looi mīlāṅ tōc, ku amuk pal moth thok yecin. ¹⁵ Ku bō atuny dēt bei luanṅ Nhialic ku jiēm rōldīt tēnē raan cī nyuc ē piōōl nhom, “Jōk luōi cōk ye pal kēnē, kāk tem pinynhom aacī luōk, ku akōlden bī ke tem acī bēn.” ¹⁶ Go raan wēn cī nyuc ē piōōl nhom palde met yic ku ler luōide yic, ku kēya, kēriēēc ēbēn pinynhom acī tem.

¹⁷ Ku tiēṅ atuny dēt ke bō bei nhial luanṅ Nhialic ke muk palden moth aya. ¹⁸ Ku bō atuny wēn muk riel ē mac bei ariāk lōōm. Ku cōl atuny wēn muk pal moth rōldīt ku lueel, “Lōm paldu ku tem abiēc dom yic pinynhom rin abiēc acī luōk.” ¹⁹ Ku jōl atuuc palde met yic ku jōl abiēc tem piny, ku kuut

keyiic ku yēth ke tē bī ke la nhiaç yiic thīn, rin riāᅇdīt puōu Nhialic. ²⁰ Abiēc ēcī nhiaç γεu kōu ayeer, go ya riem yen loi kuēer, abī riem lōl bār kōu apei ku thuuth yic looi.

15

Kādīt rεc bī atuuc nhial bēēi

¹ Ku tiēᅇ kēdīt dēt kōc gōi nhial. Kēnē, aake ya atuuc kadhorou la riel bīk kārεc apei kadhorou gām kōc, ke ye kek awuōōc ciēen bī Nhialic tēm kōc rεc, rin kek aabī riāᅇ ē piānde jāl thōk. ² Ku tiēᅇ kēcīt adēkdiεet le pīu nyīn kīr thīn cī liāap kek kēcīt mac. Ku tiēᅇ kōc wāār cī lēi kek kīnden cī ye kiēēt tiaam aya, agut lān wāār ye riεnke ᅇic akuēn. Keek aake kāāc adēkdiεet le pīu nyīn kīr yōu ke muk thom cī Nhialic gām ke, ³ ku ketkē waak Mothith alony ē Nhialic, ku waak Manh Amāāl ēlā, “Yīn Nhialic, yīn aril acīn kē thōᅇ ke yīin, kāk ye looi aa path ku aa kōc gōi! Ee yīn amac pinynhom ēbēn, kuat kāk ye looi ēbēn aala cōk ku aa yith. ⁴ Raan ēbēn abī riōōc ē yīin Bēny! Ku riεnku abī leec athεer!

Ee yīin ē rot yīn Nhialic ē yic. Kōc ē pinynhom aabī ya bēn ku dorkē yīin. Raan ēbēn acī tēpeth ye yīn luui thīn tīᅇ.”

⁵ Nawēn ē kēnē cōk, ke ya tīᅇ luāᅇ Nhialic ke ᅇaany thok, kek duēl Nhialic nyuōōth alōᅇthīn. ⁶ Ku bō atuuc nhial kadhorou, wāār muk kādīt rεc apei kadhorou bei luāᅇ ē Nhialic. Keek ēbēn aake ciēᅇ

alēth yer la diardiar, ku karkar cī looi mīlāŋ tōc aa cīk kaar kepuōth. ⁷ Go lān tōk kam lāāi wāār pīr kaŋuan, atuōny tōk ya atuuckā gām aduŋ mīlāŋ tōc la yic awuōc thiek bō tēnē Nhialic pīr akōlriēc ēbēn, bī gām kōc ē pinynhom. ⁸ Duēl ē Nhialic ēcī tol paat yic piny, tol bō diik ku riel Nhialic yic. Ku acīn raan lēu ye bī la thīn, yet tē bī kārēc dīt apēi kadhorou wāār muk atuuc nhial ku bīi ke pinynhom, kaŋ thōk.

16

Kārēc dīt apēi ciēēn kadhorou

¹ Guō rōldīt apēi piŋ ke cōt luan pan Nhialic yic, ke ye lueel tēnē atuuc nhial kadhorou ēlā, “Lak pinynhom ku gamkē kādīt rēc ciēēnkā kadhorou, kārēc riāŋ puōu ē Nhialic.”

² Go atuny tuenŋ kērēc cī Nhialic lēk ye bī gām kōc ē pinynhom gam. Go ya yōntōok rēc rem apēi kek tul kōc la gup kīn lēi gup, ku kōc kēden cī kiēt door aya.

³ Go atuny ē rou kērēc cī Nhialic gām ye bī gām kōc pinynhom gam. Go ya pīu adēkdiēt kek wel rōt bīk ya riēm, ku thou kāk pīr rēēr pīu yiic ēbēn.

⁴ Go atuny ē diāk kārēc cī Nhialic gām ye bī gām kōc pinynhom gam. Go ya pīu wēr yīth ye dek kek wel rōt bīk ya riēm. ⁵ Guō atuny yen muk pīu pinynhom piŋ ke lēk Nhialic, “Yīn acī yic tēk kōc ē kārēcā yiic, tēdu kan ēmēn ku tēthēr yōn, ee yīn apath yītōk rin le luōŋdu cōk. ⁶ Kōc rēc wāār cī kacku ku kōc kākku tīŋ nōk aaca gām riēm bīk dek,

yen kēpath ke ke.” ⁷ Ku piēŋ raan röl ke dhiau tēn ariäk ku lueel, “Ee tēde Bēny Nhialic Madhəl, käreç ca gam aa yith ku aa la cök, luk aca ŋieç looi!”

⁸ Go atuny ē ŋuan kēreç cī Nhialic gām ye bī gām kəç pinynhom gam. Go aköl tuşç apei, ee cī Nhialic puşl bī kəç nyop atuşç. ⁹ Kəç aake cī atuny aköl nyop apei abī ke gām gup yōntōök. Gokē Nhialic lat guşp, Nhialic yen bīi käreçkă, ku cīk luəi käreç päl ku cīk Nhialic ye leec.

¹⁰ Ku gēm atuny ē dhiēc kēreç cī Nhialic gām ye ku ler ku tēū thōny län rac nhom. Go ya muşöth yen kum kəç mēç lēi piny arēk abīk kethook aa kac rin arēm, ¹¹ ku yekē käreç apei luēl ē Nhialic guşp rin arēm ku yōntōök rēer kegup, ku cīk luəi käreç päl.

¹² Go atuny ē dātem kēreç muk gam, go ya wārdīt Yuparet yen döu, bī bānyŋaknhūim ləŋ ciēen puşl bīk tem kek apuruşökken. ¹³ Ku tiēŋ wēi jakreç kadiäk cīt aguek. Keek aake bō bei kēdīt cīt jakan-uaan thok, ku län rac thok, ku thoŋ län wäär aya bō kek wēt ē lueth yen kəç wēŋ nyin. ¹⁴ Keek aa wēi jakreç ē cath ke loi kāk kəç göi. Wēi jakreçkă kadiäk aa bāny pinynhom ēbēn kuşöt nhūim bī ke yāth təŋ yic. Təŋ kēnē ē təŋ bī rot looi luŋdīt bī Nhialic Madhəl luk looi tēnē kəç pinynhom ēbēn.

¹⁵ Aye Bēny lueel, “Piēŋkē! Ÿen abö cīt ya ye cuär waköu. Raan mit guşp ē raan ba yök ke kēç nin, ciēŋ alāthke, rin bī cīi cath ke cīn alanh cien bī guşp yār tē tiŋ ye.”

16 Ku jəl wēi jakrɛckä bānyŋaknhüim kuööt nhüim tē ye kɔc Itharel cɔl, Amagedon.

17 Ku jəl atuny ē dhorou kērɛc muk päl aliir yic. Go Nhialic jam röldit nhial ē thöoc nom luanđe ku lueel, “Kuat kēkith ēbēn aci luɔci tēcit tēde.” 18 Ku bier deŋ apei, ku mēr ē mār thiek ku looi ayiēkyiēk rot abi kɔc riöc ēbēn. Acin kēdit cit kēnē cī rot kaŋ looi tēnē cɛk ke raan pinynhom, ayiēkyiēk rɛc piny cit kēnē. 19 Go gendit Babilon yeyic tek ē diäk, ku wit ayiēkyiēk gɛɛth ē pinynhom juēc, ku kēya, ke Nhialic tēm gen Babilon awuoc thiek apei rin riāŋ piānde.

20 Tēwēn le piny rot yāak ke ɣōn thōny wūr mār, ku la gat dir piny ēbēn. 21 Go gōidit thiek apei löony piny nhial ē kɔc nhüim. Ku kēya, ke kɔc lēt Nhialic rin cī yen deŋ cɔl atueny gōi thiek apei cī piny bēn rac.

17

Tiŋ rac adējöök

1 Go atuōny tök atuuc wäär bö nhial kadhorou muk kārɛc kadhorou bēn tēnē ɣa ku lueel ēlä, “Bäär ba yī nyuōth tē bī Nhialic ē tiŋ rɛc adējöök tēm awuoc thīn, yen tiŋ rēr wēr yōth.* 2 Bānyŋaknhüim ē pinynhom aaci kārɛc apei, kāk ē bal looi kek ye, ku kɔc ē pinynhom aake ye miānde dek bīk wiɛt, ku tē cī kek wiɛt ka jəl kārɛc apei kāk ē bal looi kek ye.”

16:16 2Bŋ 23:29; Dhäk 12:11 16:18 Ny 8:5; 11:13, 19 16:19 Ith 51:17 16:20 Ny 6:14 16:21 B.bei 9:23; Ny 11:19 * 17:1 Wētde yic gen Babilon. (Jer 51:13) 17:2 Ith 23:17; Jer 51:7

³ Go Wēi Nhialic la yaguöp, ku nyiεei atuny Nhialic ya ku yēth ya roor tē cii cien. Ee tēen ke ya tiŋ tiŋ ci nyuc län thith kōu, län la nhiiim kadhorou ku tuŋ kathiäär ci guöp thiän rin ē Nhialic lat guöp. ⁴ Tik a cien alanh thith ku alanh mathiän. Ku aci milän töc ku kakkök la diardiar ku guēt dhēŋ thiään yeguöp. Ku amuk aduŋ ci looi milän töc ci thiän käracken ē bal ye looi. ⁵ Ku yenhom tuen aci rin göt thīn rin cie deet yiic. Rin ye lueel ēlä, “EE yεN BABILONDIŋt, yεN Ē MAN DIÄÄR RεC ĒbĒn, yεN AYE KÄRεC JÄL THĪN KÄRεC Ē PINYNHOM ĒbĒn.” ⁶ Ku tiēŋ tiŋ wēn ke ci wiεet riem ē kōc Nhialic wäär ci ke nōk, rin ci kek wēt Jethu gam.

Ku wēn tiŋ yεn ye, guō gāi apēi. ⁷ Go atuny nhial ya thiēc, “Yenō ci gōi? Yin aba lēk wētde yic yen kēnē, ku län cieth yen la nhiiim kadhorou ku tuŋ thiäär. ⁸ Län yen ca tiŋ emēn aci kaŋ pīr thēεr, ku aci ben pīr emēn rin abi bēn bei piiny tēthuth mec yic aköldā, ku abi jal la rōm ke riääk. Kōc pīr ē pinynhom kēc Nhialic gāt athörde yic, athör ē pīr thēεr kēc piny cak, aabi gāi tē tiŋ kek ē län kēnē. Aci kaŋ pīr, ku aci ben pīr ya akölē, ku abi bēn dhuk pinynhom.”

⁹ Go atuny nhial lēk yā, “Kēnē awic raan ŋic tak. Nhiiim kadhorou aa rēēr nyin kuör kadhorou kek ci tik nyuc kenhiiim. ¹⁰ Kek aa bānyŋaknhiiim kadhorou aya. Bāny kadhiēc kamken aaci liu. Raan tök aŋot ye bēnyŋaknhom emēn ku dēt aŋot kēc bēn, ku na le bēn ka bi rēēr ē bāāny yic kam koor. ¹¹ Ku län bi bēn bei tēthuth, yen abi ya bēnyŋaknhom

ye kek bēt. Ku yen ē raan kam bānyṅaknhīim kadhrou, ku yeen abī rōm ke riāāk.

¹² “Tuṅ kathiäär ye ke tiṅkā, aa rēēr nyin bānyṅaknhīim kathiäär kēc baai guṁ mac, ku aabī riēl dhiel yök bik baai mac kek lēi kam thiin koor. ¹³ Wētden ē tōk, abik gam kedhie bik bāānyden thōn lēi. ¹⁴ Bānyṅaknhīim kathiäär ku lēi aabī keyiic mat ku thēr kē kek Manh Amāäl. Ku keek aabī Manh Amāäl kek kacke ke tiaam, rin Manh Amāäl yen ē bēnydīt ē bāny, ku bānyṅaknhīim ku kacke kek aa kōc cī Nhialic kuany ku cōl ke, ku kek aa kōc cī wētde gam.”

¹⁵ Go atuuc lēk ḡa, “Pīu ye tiṅ cī tik nyuc kenhīim, aa rēēr nyin kōc ē pinynhom ēbēn. ¹⁶ Lēi ku bānyṅaknhīim kathiäär ca tiṅ aabī kenhīim wēl adējōṅ kēnē. Abik dōm ku thatkē ku retkē kōu, ku pāl kē ke cīn kē cien. Aabī guāpde cuet. Abik rac ku yōt abaṅ cī dōṅ ē mac. ¹⁷ Bānyṅaknhīim kathiäärkā aabī ē kēnē looi, rin cī Nhialic ye tāāu kepuōth bik bāānyden gām lēi, rin wīc Nhialic ye kēya. Aabī lāāi theek yet tē bī kē wīc Nhialic thōk.”

¹⁸ Go atuny nhial lēk ḡa, “Tiṅ ca tiṅ kēnē ē gendīt yen mac bāny pinynhom ēbēn.”

18

Nhialic aci Babilon rac

¹ Nawēn ē kēnē cōk ke ḡa ben atuny nhial dēt tiṅ ke bō bei nhial pan Nhialic, ku atuny kēnē ala riēldīt apēi. Ruēl dūit yeer wēn bō bei tēnē yen aci pinynhom ēbēn bēn looi bī ḡer. ² Ku cōōt rōldīt apēi, “Gendīt Babilon aci riāāk. Kōc aaci kat thīn ēbēn.

Acīn raan cī dōḡ thīn, aa jakrɛc ku diet rɛc cīt awujoḡ.

³ Kārɛc ɛ bal ye looi gen Babilon aaci yen ke pinynhom ɛbēn liääp,

bī bāny pinynhom keek aa looi kāk ɛ bal, ciēt ke cī muön kec apɛi dek.

Ku tēen yen aci Nhialic rac puḡu yeguḡp.

Ku kɔc ɛ pinynhom aake ye ɣɔc thīn ku loikē kārɛc Nhialic rac puḡu.”

⁴ Ku piɛḡ röldēt ke jam nhial ku lueel,
“Kackiē jälkē geeu!

Ku bī week cīi mɛt awuöc looi keek yiic kā,
ku bī Nhialic we cīi yik kädit rɛc apɛi cimēnden.

⁵ Awuöcken cik looi aaci juēc nawēn

ke la nhial abik Nhialic dööt bik la rac puḡu.

Go Nhialic awuöckä yök ɛbēn, ku aaci bī kaḡ puḡl
ke cīi tēm awuöc.

⁶ Dhielkē luḡi kārɛc cīt kāwäär cī kaḡ aa luḡi week.

Dhielkē kārɛc wäär cī looi cool kāk wār kāk wäär cī
kaḡ luḡi kɔc kök.

Adhielkē gām muön kec apɛi bī wiɛet cīt tēwäär ye
luḡi kɔc kök.

⁷ Ee nhiam riɛlden dīt rēer ke yeen,

ku pirden rēer yen kāpath yiic.

Adhielkē gām kē rem yeguḡp thōḡ kek mist ɛ puḡu
dīt rēer yen thīn.

Rin ye yen rot leec ɛlä,

ʎen tiḡ diit ḡaknhom mac paandiē ɛ riɛl cīn ke tem
ɣanhom,

ɣen acīn mony bī thou ku ba dhuur.’

18:2 Ith 13:21; 21:9; Jer 50:39; 51:8; Ny 14:8 **18:3** Ith 23:17; Jer 51:7
18:4 Ith 48:20; Jer 50:8; 51:6, 45 **18:5** Cäk 18:20-21; Jer 51:9
18:6 Wk 137:8; Jer 50:29

⁸ Rin ye Babilon jiem kanhiaam këya,
ee kaam thiin koor ku abī Nhialic kädit rɛc
apei cɔl aabō tēnē yeen cimēn tuaany, ku cɔndit ape
ku thuɔu.

Abī yɔot mac bī nyop ebēn, rin Bēny Nhialic yen bī
ye tēm awuɔc,
ala riēdīt ape.

⁹ “Bāny ē pinynhom wäär cī käreɛc looi kek ye
aabī dhiau ku löönykē puɔth tēnē ye, tē tīŋ kek tol
many cī ye yɔot nhom tēmec. ¹⁰ Aabī kööc tēmec,
rin cī kek riöc ciēt ke bī gām awuɔc thiek cīt kēn cī
gām Babilon, rin wäär cī kek käreɛc looi aya kek ye.
Abik aa lueel,
‘Ye käreɛc ē dē, gendīt Babilon, gen ril yen cī guo
riääk ye kam thiin yic!’

¹¹ “Kɔc ē yɔot pinynhom aa dhiau rin Babilon,
rin acin raan bī kākken ben lök yɔot. ¹² Milöŋken
töc, ku alēth path, alēth cī looi milāŋ thith ku guēt
path ku kăpuɔth kök cie lac yök ku tuŋ aa kön, ku
kuör path la diardiar, acin raan bī keek ben lök
yɔot tēnē ke. ¹³ Miök ŋir, mäau ku abüik, ku yök
ku thök, ku mīthiöŋ ku lääi kök baai ku tiim path
ku aloony, acin raan bī ke lök yɔot. ¹⁴ Abi kɔc yɔot
aa lueel tēnē Babilon elä, ‘Kuat kăpath wäär ye ke
cam, ku kăpuɔth wäär ye ke cien aaci rac, ku aaci
bī ben yök acin.’ ¹⁵ Kɔc ē yɔot wäär cī jak rin ye kek
kākken yoc ye aabī dhiau tē tīŋ kek ye ke dēp. Aabī
ya kööc tēmec rin wäär cī kek mat kek ye ciēt ke bī
mat ē riääk yic aya. ¹⁶ Abik aa lueel,
‘Ye käreɛc ē dē tēnē gendīt cīt kēnē,

gen dūit dhēŋ cīt raan ceŋ mīlōōŋ tōc ku guēt path
yeyeth!

17 Rin kākā aaci guō bēn määŋ nyin yic.’

“Kōc ē riāth geer adēkdīēet yiic, ku kōc la kākken
yekē keek la ŷaac riāth yiic, kāk ye kek pīr thīn aabī
kōōc tēmec, ¹⁸ ku dhiēukē tē tīŋ kek tol nhom ke
dēp geeu kek kāk tō thīn ēbēn, ku jōlkē ya lueel,
‘Makei! Acīn gendīt cī kaŋ cīēt ē gen!’ ¹⁹ Ku jōlkē
kenhīim pot ē ŋeth bīk nyuōōth lōn cī kek puōth lōny
ku dhiēukē apei ku luelkē,

‘Makei! Cī gendīt riāāk kēya?

Gendīt wāār ye kōc la riāth jīēek la yōk thīn,
yen cī guō riāāk ye kaam thīn yic kek kāk tō thīn
ēbēn!

20 Kōc rēēr pan Nhialic miētkē puōth rin cī Nhialic
Babilon rac.

Miētkē puōth kōc ē Nhialic ku atuuc ē Raan cī lōc
ku dōc,

ku kōc kāk Nhialic tīŋ rin cī Nhialic Babilon tēm
„awuōc tēcīt tēn kārec wāār cī keek luōi week.’

21 Ku tiēŋ atuny Nhialic ril cī kuurdīt thiek kuany
ku piir wīr adēkdīēet yic ke lueel,

“Kēnē yen ee tē bī gendīt Babilon rac thīn,
ku acī ben tīŋ acīn.

22 Yin Babilon acīn lāār bī ben piŋ yiic tēdu,
ku acīn kēēt bī ben piŋ rōt ke gut thom, tēdē ke ye
keŋ kooth yiic.

Kōckun atēēt ēbēn aabī määŋ,
ku wēthkun ye rap guur abī cīēn rap ben guur thīn.

18:16 Ith 23:14; Edhe 27:26-30 **18:18** Edhe 27:32 **18:19** Edhe
27:30-34 **18:20** L.rou 32:43; Jer 51:48 **18:21** Jer 51:63-64; Edhe
26:21 **18:22** Edhe 26:13; Ith 24:8

23 Ku mēc acīi bī kaŋ ben tiŋ nyin ke dēp,
ku acin ruēi bī ben looi,
rin kockun ē ƣoc kek aake ye kacdīt pinynhom,
ē pinynhom cam tēbäär ē ruēeny.”

24 Nhialic acī Babilon tēm awuōc rin le yen guōp
awuōc cī yen kōc kāk Nhialic tiŋ nōk, ku kōc juēc kōk
ē Nhialic, Babilon ala guōp awuōc cī yen kōc juēc ē
pinynhom ēbēn nōk.

19

Riāŋ ē Babilon ē kōc Nhialic miēt puōth

1 Tēwēn cī atuny ril thōk ē jam, ke ƣa piŋ kōc rōt
nhial ke loi kiεεu apēi ku luelkē,
“Lecku Nhialic! Nhialic yen acī ƣo luōk, diik ku riel
aa kāk Nhialicda kedhie.

2 Luōŋde ee yic ku ala cōk.
Yen acī tiŋ adējōōk wäär ŋiεc tēm awuōc thōŋ kek
kāk cī luōi kōc ē pinynhom.
Babilon cī pinynhom rac, rin rim kōc Nhialic atō
yecin.”

3 Ku ben thān awēn loi kiεεu yai cam,
“Lecku Nhialic!
Babilon abī dēp ku many nyop ye abī tol ya la nhial
akōlriēc ēbēn.”

4 Ku tiēŋ kacdīt kathiārou ku ŋuan, ku lāāi pīr
kaŋuan ke gut kenhiāl piny ē Nhialic nhom ku
dorkē ke cī nyuc thōnyde nhom,
“Yenakan, Lecku Nhialic!”

Yan thiēŋ Manh Amāäl

5 Ku piēŋ rōl ke cōt thōōc lōōm ku lueel,
“Wek aa dhil Nhialicda leec, week ēbēn,

kəc ril ku kəc niəp, wek kəc thek yeen ēbēn ye door.”

⁶ Ku piēŋ kəc juēc ke loi kiεεu nhial apēi, ke loi arōōl cīt arōōl ē piu kat apēi, ku cīt mār deŋ ku luelkē,

“Lecku Nhialic! Rin Bānyda, Nhialic Madhəl ee Bēnyŋaknhom!

⁷ Jəlku puōth miēt ku lecku Nhialic, rin cī nīn thiēŋ Manh Amāäl thök, ku nyan thiak acī rot guiir bī lor.

⁸ Acī Nhialic ruök alēth path cīn gup acuəl bī keek cieŋ.”

Alēth path aatō nyin kəpath ye raan luōi Nhialic.

⁹ Go atuuc lək ɣa, “Gāt wēlkä, kəc mit puōth aa kəc cī cōl ē yan thiēŋ Manh Amāäl yic.” Ku mət thīn ēlä, “Wēlkä aa wēl ē yith bō tēnē Nhialic.”

¹⁰ Guə ɣanhiaal guēt piny yenhom ba door. Go lək ɣa, “Duk loi këya! Ee Nhialic yen aya luōi cīmēn ye yīn ku miēthakun cī gam, kəc cī yic cī Jethu nyuəəth, buəəth yic. Ee Nhialic ē rot yen aye door.” Rin yic cī Jethu nyuəəth yen ē kəc cəl agam wēt ē Nhialic.

Raan cath mathiäŋ ɣer

¹¹ Ku tiēŋ pan Nhialic ke ŋaany thok, go ya mathiäŋ ɣer yen tiēŋ thīn kek raan cath ē ye. Ee yen raan ē Nhialic luōi ē puōn ɣer, kuat kək ye looi ēbēn aaya yith, tē looi yen luk tēdē ke ye təŋ, ka la cök ēbēn. ¹² Yen adēp nyin cīmēn mac, ku acieŋ ajōm juēc yenhom. Acī gāt kōu rin, ku ē yen aŋic rienke ē rot. ¹³ Ku acieŋ alanh bār yekōu cī kōu thiäŋ ē riēm. Ku rienke aa, “Wēt ē Nhialic.”

14 Abuᵛoth apuruuk Nhialic ke cienj alēth yer, ku aake cath mīthiᵛōᵛᵛ yer. 15 Ku pal moth ē bēn bei yethok bī yen kᵛc ē pinynhom tōk. Abi kᵛc pinynhom mac ke cīn aᵛuān, aabī nhiaç yīic cīmēn mōn nhiēç bei athuāāi yīc, bīk riāᵛ puᵛu ē Nhialic yōk kegup. 16 Ku alanhde kᵛu ku yeyām, rin acī gōt thīn ēlā, “BĒNYŅaknhom Ē BĀNyŅaknhīīm, BĒNYDīt Ē BĀnydīt ĒbĒn.”

17 Guᵛ atuny nhial kāāc akᵛl nyin tīᵛ, ke cᵛl diēt pār aliir yīc ēbēn ku lueel rōldīt, “Bāk tēn, bāk bēn mīth miēthdīt ē thēi cī Nhialic guir! 18 Bāk ᵛuetkē gup bānyᵛaknhīīm, kᵛcdīt apuruuk, kᵛcdīt ril, gup mīthiᵛōᵛᵛken ku kᵛc cath ē ke, gup kᵛc ēbēn, kᵛc aloony ku kᵛc cie aloony, kᵛcdīt ku kᵛc kor!”

19 Ku tiēᵛ lēi ku bānyᵛaknhīīm ē pinynhom kek apuruᵛōkken, ke kuut kenhīīm ēbēn bīk la thōr kek raan cath mathiāᵛ ku apuruᵛōkke. 20 Go lēi dām, kek raan wēt lueth wēᵛ yen kᵛc nyīn lueel, raan kāk kᵛc gōi looi, bī kᵛc la nhīīm kīn lēi kenhīīm tuēᵛ muᵛr rin kākken kā ku dorkē kēden cī kiēēt. Go keek ēbēn karou piēer manydīt tuc apēi bēn bei kuur yīc ke pīr. 21 Ku nāk apuruᵛōkken ēbēn ē pal bēn bei raan cath mathiāᵛ thok. Ku guāpken aaci diēt bēn ᵛueet.

20

Ruᵛōn tiēm tōk

1 Ku tiēᵛ atuny nhial ke bᵛ piny, ke muk wēnh ye tēthuth mec yīc tuer thok, ku luᵛ arēk dīt thiek apēi. 2 Ku dām atuny nhial kēdīt cīt jakanuaan, kēpiiny thēer yen jᵛᵛrac dīt ē pinynhom, ku rek ē

19:15 Wk 2:9; Ith 63:3; Juel 3:13; Ny 14:20 19:18 Edhe 39:17-20

19:20 Ny 13:1-18

rušön tiem tök. ³ Ku piir tēthuth mec yic apēi, ku riit thīn ku thiöök thīn ē thaany. Ku abī rēēr ē tēēn ē rušön tiem tök. Ku kēya acīi bī lēu bī kōc pinynhom bēn tušör nyīn. Ku na la runkā thök ke yeen abī pāl ayeer ē kaam koor.

⁴ Ku tiēŋ kōc ke cī nyuc ē thōc nhīim, ku tiēŋ wēi kōc wäär cī tem röt rin cī kek wēt Jethu Krītho ku yen wēt Nhialic gam. Kōckā aake nāk ke rin kēc kek wēt lēi gam ku dorkē, ku aacīn gup kīn ē lēi kenhīim tuēŋ ku kecin. Aacī bēn pīr ku nyuuckē ē thōc nhīim, rin cī Nhialic ke gām riēl bīk mac. Ku jōlkē mac kek Raan cī lōc ku dōc ē rušön tiem tök.

⁵ Na cī runkā thök, ke kōc kōk cī thou, kōc cī gam ku kōc ē pinynhom aabī bēn pīr, ku ē yen jōn rot tuēŋ bī gup kōc cī thou röt jōt. ⁶ Ku Nhialic abī kōckā dōc, ku keek aabī ya kacke rin ye kek kōc cī kaŋ pīr, rin cī ke kaŋ jōt thou yic. Ku keek aacīi bī thou thon ē rou, ku aabī ya kōc Nhialic lušōi ku Jethu Krītho, ku aabī mac kek ye ke ye bāny ē tök rušön tiem tök.

Jōŋrac acī tiaam

⁷ Tē le rušön tiem tök thök, ke jōŋrac abī lony tēwäär cī ye mac thīn. ⁸ Ku abī bēn bēn ē pinynhom bī kōc kōk bēn wēēŋ nyīn, kōc cī thiēi ē bēēi pinynhom yiic cōl Gok ku Magok. Aabī jōŋrac mat yiic ku yēth ke tōŋ yic. Ku keek aa juēc ka cīt liēet agōr.

⁹ Ku weerkē pinynhom ēbēn, ku goolkē gen nhiēer Nhialic piny, gen rēēr kacke thīn. Go Nhialic mac tušōc piny nhial bī ke nōk ēbēn. ¹⁰ Ku cuet jōŋrac wäär ke wēŋ manydīt tuc apēi bēn bei kuur yic,

tēwäär cī lēi ku kəc tör lueth kaŋ cuat thīn. Ku keek aabī reem aköl ku wēēr ē tēēn akölrīēc ēbēn.

Luj thök ē piny

¹¹ Ku tiēŋ thōnydīt yer apeī kek raan cī nyuc yenhom. Go piny ku nhial määŋ yenhom tuēŋ ku cīn raan ben ke tiēŋ acīn. ¹² Ku tiēŋ kəc cī thou ēbēn kəcdīt ku kəckor ē pinynhom ēbēn ke kääc thöök lööm. Ku jəl athör ŋaany yiic, ku athör cī kāk cī kəc pinynhom looi gət thīn, ku jəl athör dēt yen athör pīr ŋaany yic aya. Ku kəc ēbēn aake ye tēm awuöc thōŋ kek kē cī ŋek looi pinynhom, cī gət riēnke thook athöör yic. ¹³ Ku jəl kəc ke thou wīir bēn ku kēēckē Nhialic nhom luk yic, ku jəl kəc cī thou rēer guäpken piiny rēŋ yiic röt jət aya, ku kēēckē Nhialic nhom luk yic. Ku keek aaci bēn tēm awuöc thōŋ kek kāk ke cīk looi pinynhom. ¹⁴ Go thou nhom guöp cuat manydīt dēp apeī yic. Manydīt dēp kēnē yen ē thon ē rou. ¹⁵ Kuat raan liu riēnke athör ē pīr yic, aci cuat baau mac dēp kēnē yic.

21

Pinyinhom ku nhial ē yam

¹ Ku jal pinynhom ku nhial ē yam tiēŋ, rin cī piny ku nhial thēer määŋ, ku cīn wērdīt kək ben rēer thīn. ² Ku tiēŋ gen Nhialic yen Jeruthalem ē yam, ke bö piny nhial pan Nhialic bī bēn pinynhom. Gen ē Nhialic aci guiir cīmēn nyan cī guiir bī gām moc. ³ Ku piēŋ raan ke cöt röldīt apeī ē thöök lööm ku lueel, “Ēmēn pan Nhialic arēer kek raan! Ku keek aabī ya kacke, ku Nhialic nhom guöp abī rēer ke

ke ku abī ya Nhialicden. ⁴ Abī piū wεεc wei kenyin. Ku acin raan bi ben thou acin. Acin raan bi puou ben riääk ku dhiεeu, tēdē ke ben tērem yök yeguöp cimēn thεεr, rin kāŋ aaci röt waar.”

⁵ Ku lueel raan ci nyuc thöoc nhom elä, “Tiēŋkē! Kāŋ ebēn aluoui bik aa yam!” Ku lueel aya elä tēnē ya, “Gät kēnē, alēu ba gam yen kē luεel rin wēlkä aa yith.

⁶ “Kuat kakkith ebēn ecī luoui tēcit tēde. Ee yen jök ē cök ku yen thök ē kāŋ. Yen abī raan nēk rou gām piū dek, aba gām piū ē pīr, ku aba gām ye ē path.

⁷ Kuat raan ci tiam abī kakkä yök tēnē ya. Aba gām ē kakkä ebēn, ku yen abī ya Nhialic ku yeen abī ya manhdiē. ⁸ Ku kōc riōc, ku kōc ci gamden puōl ku kōc cā adumuōm looi, kōc ci kōc nōk, kōc ē luui käreεc, kōc ē jōŋrac, kōc jakrεc door, ku kōc alueth, kōckä ebēn aabi cuat manydit tuc bēn bei kuur yic, ku yen ē thon ē rou.”

Jeruthalem ē yam

⁹ Go atuōny tōk kam atuuc kadhorou wäär muk kērac apēi ciēen bēn ku cōal ya, “Bäär lokku ba yi la nyuōth nyan bi ya tiŋ Manh Amääl.” ¹⁰ Go Wēi Nhialic la yaguöp ku yēth atuuc ya ē kuurdit bār nhom. Ee tēēn ke nyuth ya Jeruthalem gen ē Nhialic ke bō piny nhial pan Nhialic. ¹¹ Ee dēp diardiar ke diik Nhialic. A dēp cit kuur ci guan bi la lēŋlēŋ. ¹² Ku aci gööl piny kal ril bār, ku ala thok kathiäär ku rou, ku thokkä ebēn aaye atuuc kōoc thīn. Ku thokkä aaci rin kuat Itharel kathiäär ku rou göt thīn. ¹³ Ku kal ci γεu gööl piny ē la guök

21:3 Edhe 37:27; Leb 26:11, 12 **21:4** Ith 25:8; 35:10; 65:19

21:6 Ith 55:1 **21:7** 2Tha 7:14; Wk 89:26-27 **21:10** Edhe

kaṇuan, ku guōṅ tōk ē la thok kadiäk. ¹⁴ Kal cī ke γευ gōōl piny aaci buth aleeldit kathiäär ku rou nhiim. Ku rin atuuc Manh Amääl kathiäär ku rou aake cī gät aleelkä kōōth.

¹⁵ Ku atuny wäär yen jam ke ya, amuk wai cī looi milāṅ tōc bi yen γευ athem, pänyde ku thuakke.

¹⁶ Γευ ala guök kaṇuan thōṅ thook. Ku them atuny nhial γευ waiden wēn muk, ku yök ke cit meel tiem tōk ku buot kadhiēc bër ē kōu, ku lääu yic kek bër la nhial ē cit kēnē aya. ¹⁷ Ku them atuuc la nhial ē kal ku dit ē kōude aya, ku yök ke ye akääth thiärdätem. Käk ke ye atuuc them aake cit kāk ye kōc them ē path.

¹⁸ Päny cī γευ looi, aaci buth kuur yer dhēṅ ku γευ nhom ēcī looi milāṅ tōc la gei cit macar.

¹⁹ Puōōny ē γευ aake cī jōok cök kuat aleel la diardiar. Aleel ke cī puōōny jōok cök aya aake yiic thiäär ku rou. Kök aake thith, ku kōk aa yer ku kōk aa maṅök, kōk aa mīthiōōṅ, kōk aa mīkēth, kōk aa miyēn, kōk aa milōōth, kōk aa maliik, ku kōk aa mamer. ²⁰ Ku kit ēbēn aake ye thiäär ku rou. ²¹ Thok kathiäär ku rou ē genē aake cī looi aleel yer kathiäär ku rou, thuṅ tōk ē ye looi alel yer tōk, ku gēek ē γευ yic aaci looi milāṅ tōc la diardiar cit macar.

²² Yen akēc luanṅ Nhialic ye kōc rōök thīn tīṅ, ee gen kēnē yic, rin Bēny Nhialic Madhōl ku Manh Amääl kek aa luanṅ Nhialic. ²³ Gen kēnē ēcīi wic ruel akōl, tēdē ke ye pēei, rin ala ruelde ē rot, rin rueldit Nhialic yen aye ye mer yic, ku Manh Amääl yen aye ye mer yic cimēn many adök. ²⁴ Ku ruel ē gen

yen aye kəc cath thīn, ku bāny pinyhom aabī ya bēn bīk jaakden bēēi thīn.

²⁵ Kal aabī ya rēer ke ŋaany thook akōl ku wēer, rin piny aci ben a cuəl. ²⁶ Kəc wuōt ēbēn aabī bēn ē gen yic rin bī kek Nhialic bēn aa door ku leckē. ²⁷ Acīn kəc la gup adumuōm bī puəl bīk la geeu, ayī kəc ē luui kāk kəc cəl ayār gup ku kəc tōr lueth. Kəc bī puəl bīk la geeu aa kəc cī rienken gōt athōr ē pīr Manh Amāäl yic.

22

¹ Ku ben atuny nhial ya nyuōth wār cī thiāŋ pīu ē pīr la kīrkīr apēi bō tēnē thōny Nhialic ku Manh Amāäl, ² ke kuēer geeu gēk ciel yic. Agōr ē wār lōŋ ku lōŋ, akēēc tim ē pīr thīn, tim luək ē pēei thok ēbēn ruōōn tōk yic, ku kəc wuōt ēbēn aa yiēthke lōōm bī kek yōntōok aa cəl adem, ku tueny kōk aya. ³ Acīn dēt mēen Nhialic bī rēer ye gen kēnē yic. Kəc Nhialic ku thōny Nhialic kek thōny Manh Amāäl kek aa rēer thīn, ku kəc ē Nhialic kek aabī ye aa door. ⁴ Kōckā aabī Nhialic aa tīŋ ku rin Nhialic abī gāt kenhūim tuen. ⁵ Abī ciēn cuəl ē piny ye gen yic. Kəc ē rēer thīn aaciī bī wīc ruəl akōl, tēdē ke ye many bī piny mer yen wīckē. Rin Nhialic yen abī ya ruēlden. Aabī rēer thīn ke ye bāny akōlriēēc ēbēn.

Bēn ē Jethu

⁶ Go atuuc lēk ya, “Kuat kāk ca tīŋ ku piŋ ke aa yith ēbēn. Ku Bēny Nhialic yen Wēike yāth ē kəc kāk

21:24 Ith 60:3 **21:26** Ith 60:11 **21:27** Ith 52:1; Edhe 44:9

22:1 Edhe 47:1; Dhāk 14:8 **22:2** Cāk 2:9; Edhe 47:12 **22:3**

Dhāk 14:11 **22:5** Ith 60:19; Dan 7:18

Nhialic tiŋ gup, yen acä atušnyde tuöc bi kacke nyuŋth kāk bi röt looi ye ninkä.” ⁷ Aye Jethu lueel älä, “Dhielkē piŋ apath! Ÿen abö emēn! Koc mit puŋth aa koc thek kāk ci lueel athör kēnē yic ebēn!” ⁸ Ee Ÿen Joon Ÿen a Ÿa piŋ ku tiēŋ kākä. Tēwēn ci Ÿen ke piŋ ku tiēŋ ke, ke Ÿa gut Ÿanhiäl piny yecök ku duöc atuny wēn nyuth Ÿen kākä. ⁹ Go jal lēk Ÿa, “Duk loi këya! Ÿen alony cimēndu, ku miēthakui koc kāk Nhialic tiŋ, ku koc ebēn kāk tō athör yic theek. Dor Nhialic!” ¹⁰ Ku lēk Ÿa, “Duk kāk ci göt athör kāk Nhialic kēnē yic thian tēnē koc, rin ci piny thiök ke thök. ¹¹ Ku koc käreç looi aabi ŋot ke la tueŋ ke looi käreç, ku koc ci wēt Jōŋrac gam aabi ŋot loikē këya. Ku koc ē luui käpath aabi ya luui käpath. Ku koc Nhialic aabi la tueŋ ke luui Nhialic.”

¹² Aye Jethu lueel älä, “Piēŋkē apath Ÿen abö emēn thiin, Ÿen abö ba koc bēn riöp, tēdē ke Ÿa tēm koc awuöc thōŋ kek kē ci ŋek looi theer wäär. ¹³ Ee Ÿen jök ē cök ku Ÿen thök ē käh.

¹⁴ “Koc mit gup aa koc cä aläthken loök riēm Manh Amääl, rin aabi la yic bik mīth tim piir cam, ku aala yic aya bik la gen Nhialic ē yam. ¹⁵ Koc tō geu köu aa koc pan mac, koc ci kegup yiök acuäl rin theek kek jōŋrac, koc näk ē koc, ku koc ē jam lueth, ku koc luui kāk bal aaci kōŋ la ē gen kēnē yic acin.

¹⁶ “Aye Jethu lueel älä, Ÿen acä atušnydiē tooc bi kākä bēn lēk we, wek akuut ci gam. Ÿen ē kuat dhiēnh bēnyaknhom Debit, ee ciēer bak piny ē ruel bēi.”

22:11 Dan 12:10 **22:12** Ith 40:10; 62:11; Wk 28:4; Jer 17:10
22:13 Ny 1:8, 17; 2:8; Ith 44:6; 48:12 **22:14** Cäk 2:9; 3:22 **22:16**
 Ith 11:1, 10

17 Aye Wēi Nhialic ku kəc Nhialic kek cīt nyan thiak ē Manh Amääl lueel, “Bäk!” Ku kuat raan piŋ ē kēnē adhīl lueel aya, “Bäk!” Na le raan nēk rou ke bō, kuat raan nēk rou abī dek piū piūr ē path.

Thök ē wēl

18 Ḡen Joon, ḡen alēk kuat raan piŋ ē wēt kēnē pušū ēbēn, na le raan juək kēde thīn ka bī Nhialic tuōc kārēc cī gōt athör kēnē yic. 19 Ku na le raan nyεi wēt tōk kam wēl tō athör wēl cī nyuōth ḡen yic, ke Nhialic abī yinyden bī tēk ye mīth tim ē piūr yic, ku la gen yam, cī ke gōt athör kēnē yic, nyaai tēnē ye.

20 Ku Jethu raan lēk kəc kākā ēbēn aye lueel, “Ḡēē-ḡēē! Ḡen abō ēmēn!” Kēya, ee tēde. Bäär Bēny Jethu!

21 Bī dhēēŋ Bēny Jethu rēer kek kəc ē Nhialic. Yenakan.

Lëk yam
New Testament in Dinka, Southwestern (SU:dik:Dinka,
Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

d94b9d26-33ff-5c4e-819f-5bfe86ac9e55